

王湘綺先生全集

八代詩選



漢第一

五言第一

長沙湘潭

八代詩選三
筆墨運撰
齋

枚乘

詩九首

西北有高樓上與浮雲齊交疏結綺窗阿閣三重階上有
絃歌聲音響一何悲誰能爲此曲無乃杞梁妻清商隨風
發中曲正徘徊一彈再三歎憐慨有餘哀不惜歌者苦但
傷知音稀願爲雙鴻鵠奮翅起高飛

東城高且長逶迤自相屬迴風動地起秋草萋已綠四時
更變化歲暮一何速晨風懷苦心蟋蟀傷局促蕩滌放情
入代詩選 五言一
志何爲自結束燕趙多佳人美者顏如玉被服羅裳衣當
戶理清曲音響一何悲絃急知柱促馳情整巾帶沈吟聊
躑躅思爲雙飛燕銜泥巢君屋

行行重行行與君生別離相去萬餘里各在天一涯道路
阻且長會面安可知胡馬依北風越鳥巢南枝相去日已
遠衣帶日已緩浮雲蔽白日游子不顧返思君令人老歲
月忽已晚棄捐勿復道努力加餐飯

涉江采芙蓉蘭澤多芳草采之欲遺誰所思在遠道還顧
望舊鄉長路漫浩浩同心而離居憂傷以終老

青青河畔草鬱鬱園中柳盈盈樓上女皎皎當窗牖娥娥

紅粉粧纖纖出素手昔爲倡家女今爲蕩子婦蕩子行不歸空牀難獨守

蘭若生春陽涉冬猶盛滋願言追昔愛情歎感四時美人在雲端天路隔無期夜光照玄陰長歎念所思誰謂我無憂積念發狂癡

庭中有奇樹綠葉發華滋攀條折其榮將以遺所思馨香盈懷袖路遠莫致之此物何足貴但感別經時

迢迢牽牛星皎皎河漢女纖纖擢素手札札弄機杼終日不成章泣涕零如雨河漢清且淺相去復幾許盈盈一水間脈脈不得語

八代詩選

五言一

二

明月何皎皎照我羅牀幃憂愁不能寐攬衣起徘徊客行雖云樂不如早旋歸出戶獨彷徨愁思當告誰引領還入房淚下沾裳衣

蘇武

詩四首

結髮爲夫妻恩愛兩不疑歡娛在今夕燕婉及良時征夫懷往路起視夜何其參辰皆已沒去去從此辭行役在戰場相見未有期握手一長歎淚爲生別滋努力愛春華莫忘歡樂時生當復來歸死當長相思

骨肉緣枝葉結交亦相因四海皆兄弟誰爲行路人況我

連枝樹與子同一身昔爲鴛與鴦今爲參與辰昔者長相近
邈若胡與秦惟念當乖離恩情日以新鹿鳴思野草可
以喻嘉賓我有一尊酒欲以贈遠人願子留斟酌敘此平
生親

黃鵠一遠別千里顧徘徊胡馬失其羣思心常依依何況
雙飛龍羽翼臨當乖幸有絃歌曲可以喻中懷請爲游子
唵泠泠一何悲絲竹厲清聲慷慨有餘哀長歌正激烈中
心愴以摧欲展清商曲念子不得歸俛仰內傷心淚下不
可揮願爲雙黃鵠送子俱遠飛

燭燭晨明月馥馥秋蘭芳芬馨良夜發隨風聞我堂征夫
入代詩選 五言一

懷遠路游子戀故鄉寒冬十二月晨起踐嚴霜俯觀江漢
流仰視浮雲翔良友遠別離各在天一方山海隔中州相
去悠且長嘉會難再遇歡樂殊未央願君崇令德隨時愛
景光

李陵

與蘇武詩三首

良時不再至離別在須臾屏營衢路側執手野踟躕仰視
浮雲馳奄忽互相踰風波一失所各在天一隅長當從此
別且復立斯須欲因晨風發送子以賤軀

攜手上河梁游子暮何之徘徊蹊路側悵悵不能辭行人

難入留各言長
相思安知非日月
弦望自一時
努力崇明德
皓首以爲期

嘉會難再遇
三載爲千秋
臨河濯長纓
念子悵悠悠
遠望悲風至
對酒不能酬
行人懷往路
何以慰我愁
獨有盈觴酒
與子結綢繆

班婕妤好

怨歌行

新裂齊紈素
皎潔如霜雪
裁成合歡扇
團團似明月
出入君懷袖
動搖微風發
常恐秋節至
涼飈奪炎熱
棄捐篋笥中
恩情中道絕

八代詩選

五言一

四

班固

詠史詩

三王德彌薄
惟後用肉刑
太倉令有罪
就逮長安城
自恨身無子
困急獨煢煢
小女痛父言
死者不可生
上書詣闕下
思古歌雞鳴
憂心摧折裂
晨風揚激聲
聖漢孝文帝
惻然感至情
百男何憤憤
不如一緹紫

張衡

同聲歌

邂逅承際會
得充君後房
情好新交接
恐慄若探湯
不才勉自竭
賤妾職所當
綢繆主中饋
奉禮助烝嘗
思爲莞弱

席在下蔽匡牀願爲羅衾幃在上衛風霜灑埽清枕席鞞
芬以狄香重戶結金扇高下華鎧光衣解巾粉御列圖陳
枕張素女爲我師儀態盈萬方眾夫所希見天老教軒皇
樂莫斯夜樂沒齒焉可忘

傅毅

詩一首

冉冉孤生竹結根泰山阿與君爲新昏兔絲附女蘿兔絲
生有時夫婦會有宜千里遠結昏悠悠隔山陂思君令人
老軒車來何遲傷彼蘭蕙花含英揚光輝過時而不采將
隨秋草萎君亮執高節賤妾亦何爲

八代詩選

五言一

五

無名人

古詩十首

青青陵上陌磊磊澗中石人生天地間忽如遠行客斗酒
相娛樂聊厚不爲薄驅車策鷩馬游戲宛與洛中何鬱
鬱冠帶自相索長衢羅夾巷王侯多第宅兩宮遙相望雙
闕百餘尺極宴娛心意戚戚何所迫

今日良宴會歡樂難具陳彈箏奮逸響新聲妙入神令德
唱高言識曲聽其眞齊心同所願含意俱未伸人生寄一
世奄忽若飈塵何不策高足先據要路津無爲守窮賤軼
軻長苦辛

明月皎夜光促織鳴東壁玉衡指孟冬眾星何歷歷白露
霏野草時節忽復易秋蟬鳴樹間玄鳥逝安適昔我同門
友高舉振六翮不念攜手好棄我如遺跡南箕北有斗牽
牛不負輒良無盤石固虛名復何益

迴車駕言邁悠悠涉長道四顧何茫茫東風搖百草所遇
無故物焉得不速老盛衰各有時立身苦不早人生非金
石豈能長壽考奄忽隨物化榮名以爲寶

驅車上東門遙望郭北墓白楊何蕭蕭松柏夾廣路下有
陳死人杳杳卽長暮潛寐黃泉下千載永不寤浩浩陰陽
移年命如朝露人生忽如寄壽無金石固萬歲更相送賢

八代詩選

五言一

六

聖莫能度服食求神仙多爲藥所誤不如飲美酒被服紈
與素

去者日以疏來者日以親出郭門直視但見丘與墳古墓
犁爲田松柏摧爲薪白楊多悲風蕭蕭愁殺人思還故里
閩欲歸道無因

生年不滿百常懷千歲憂晝短苦夜長何不秉燭游爲樂
當及時何能待來茲愚者愛惜費但爲後世嗤仙人王子
喬難可與等期

凜凜歲云暮螻蛄夕鳴悲涼風率已厲游子寒無衣錦裘
遺洛浦同袍與我違獨宿累長夜夢想見容輝良人惟古

歡枉駕惠前綬願得常巧笑攜手同車歸既來不須臾又不處重圍亮無晨風翼焉能凌風飛盼睽以適意引領遙相睇徙倚懷感傷垂涕沾雙扉

孟冬寒氣至北風何慘慄愁多知夜長仰觀眾星列三五明月滿四五蟾兔缺客從遠方來遺我一書札上言長相思下言久離別置書懷袖中三歲字不滅一心抱區區懼君不識察

客從遠方來遺我一端綺相去萬餘里故人心尚爾文采雙鴛鴦裁爲合歡被著以長相思緣以結不解以膠投漆中誰能別離此

八代詩選

五言一

七

擬李陵詩八首

有鳥西南飛熠熠似蒼鷹朝發天北隅暮聞日南陵欲寄一言去託之賤絲繪因風附輕翼以遺心蘊蒸鳥辭路悠長羽翼不能勝意欲從鳥逝駑馬不可乘

爍爍三星列拳拳月初生寒涼應節至蟋蟀夜悲鳴晨風動喬木枝葉日夜零游子暮思歸塞耳不能聽遠望正蕭條百里無人聲豺狼鳴後園虎豹步前庭遠處天一隅苦困獨零丁親人隨風散厯厯如流星三萍離不結思心獨屏營願得萱草枝以解饑渴情

寂寂君子坐奕奕合眾芳温聲何穆穆因風動馨香清言

振東序良時著西庠乃命絲竹音列席會高唱悲意何慷
慨清歌正激揚長哀發華屋四坐莫不傷

晨風鳴北林熠燿東南飛願言所相思日暮不垂帷明月
照高樓想見餘光輝玄鳥夜過庭髣髴能復飛褰裳路
踟彷徨不能歸浮雲日千里安知我心悲思得瓊樹枝以
解長渴饑

陟彼南山隅送子淇水陽爾行西南游我獨東北翔轅馬
顧悲鳴五步一旁皇雙鳧相背飛相遠日已長遠望雲中
路想見來圭璋萬里遙相思何益心獨傷隨時愛景曜願
言莫相忘

人代詩選

五言一

八

鍾子歌南音仲尼歎歸與戎馬悲邊鳴游子戀故廬陽鳥
歸飛雲蛟龍樂潛居人生一世間貴與願同俱身無四凶
罪何爲天一隅與其苦筋力必欲榮薄軀不如及清時策
名於天衢

鳳皇鳴高岡有翼不好飛安知鳳皇德貴其來見稀闕紅
塵蔽天地白日何冥冥微陰盛殺氣淒風從此興招搖西
北指天漢東南傾嗟爾窮廬子獨行如履冰短褐中無緒
帶斷續以繩瀉水置瓶中焉辨淄與澠巢父不洗耳後世
有何稱

擬蘇武答李陵詩二首

童童孤生柳寄根河水泥連翩游客子於冬服涼衣去家
千里餘一身常渴饑寒夜立清庭仰瞻天漢湄寒風吹我
骨嚴霜切我肌憂心常慘戚晨風爲我悲瑤光游何速行
願去何遲仰視雲間月忽若割長帷低頭還自憐盛年行
已衰依依戀明世愴愴難久懷

雙鳧俱北飛一鳧獨南翔子當留斯館我當歸故鄉一別
如秦胡會見何詎央愴愴切中懷不覺淚沾裳願子長努
力言笑莫相忘

雞鳴

雞鳴高樹顛狗吠深巷中蕩子何所之天下方太平刑法

八代詩選

五言一

九

非有貸柔協正亂名黃金爲君門碧玉爲軒堂上有雙尊
酒作使邯鄲倡劉王碧青篋後出郭門王舍後有方池池
中雙鴛鴦鴛鴦七十二羅列自成行鳴聲何啾啾聞我殿
東廂兄弟四五人皆爲侍中郎五日一時來觀者滿路傍
黃金絡馬頭頗頗何煌煌桃生露井上李樹生桃傍蟲來
齧桃根李樹代桃殭樹木身相代兄弟還相忘

陌上桑

日出東南隅照我秦氏樓秦氏有好女自名爲羅敷羅敷
善蠶桑採桑城南隅青絲爲籠係桂枝爲籠鉤頭上倭墮
髻耳中明月珠細綺爲下裙紫綺爲上襦行者見羅敷下

擔將髭鬚少年見羅敷脫帽著帽頭耕者忘其犁鋤者忘其鋤來歸相喜怒但坐觀羅敷使君從南來五馬立踟躕使君遣吏往問是誰家姝秦氏有好女自名爲羅敷羅敷年幾何二十尙不足十五頗有餘使君謝羅敷寧可共載不羅敷前致辭使君一何愚使君自有婦羅敷自有夫東方千餘騎夫婿居上頭何用識夫婿白馬從驪駒青絲繫馬尾黃金絡馬頭腰中鹿盧劍可值千萬餘十五府小史二十朝大夫三十侍中郎四十專城居爲人潔白皙鬢鬢頗有鬢盈盈公府步冉冉府中趨坐中數千人皆言夫婿殊

八代詩選

五言

十

長歌行

青青園中葵朝露待日晞陽春布德澤萬物生光輝常恐秋節至焜黃華葉衰百川東到海何時復西歸少壯不努力老大徒傷悲

蒼蒼山上亭皎皎雲間星遠望使心思游子戀所生驅車出北門遙觀洛陽城凱風吹長棘天天枝葉傾黃鳥飛相追咬咬弄音聲竚立望西河泣下沾羅纓

豫章行

白楊初生時乃在豫章山上葉摩青雲下根通黃泉涼秋八九月山客持斧斤我口何皎皎梯落口口口根株已斷

戶亦勝一丈夫

步出夏門行

邪徑過空廬，好人常獨居。卒得神仙道，上與天相扶。過謁王父母，乃在太山隅。離天四五里，道逢赤松俱。攬轡爲我御，將吾天上游。天上何所有，歷歷種白榆。桂樹夾道生，青龍對伏趺。

豔歌何嘗行

飛來雙白鴿，乃從西北來。十將五五羅，列行不齊忽。然卒疲病不能飛，相隨五里一反顧。六里一裴回，吾欲銜汝去。口噤不能開，吾欲負汝去。毛羽日摧頹，樂哉新相知。憂

八代詩選

五言一

三

來生別離時，踟躇願羣侶。淚落縱橫垂，今日樂相樂。延年萬歲期。

念與君離別，氣結不能言。各重白愛遠，道歸還難妾。當守空房閉，門下重關若。生當相見亡者會，黃泉今日樂相樂。萬歲期延年。

豔歌行

翩翩堂前燕，冬藏夏來見。兄弟兩三人，流宕在他縣。故衣誰當補，新衣誰當綻。賴得賢主人，攬取爲吾組。夫婿從門來，斜倚西北盼。語卿且勿盼，水清石自見。石見何纍纍，遠行不如歸。

體如山下雪皎若雲間月聞君有兩意故來相決絕今日
斗酒會明旦清水頭躑躅御溝上溝水東西流淒淒復淒
淒嫁娶不須嗚願得一心人白頭不相離竹竿何嫋嫋魚
尾何蕤蕤男兒重意氣何用錢刀爲

南山西嶽崑松柏何離離上枝拂青雲中心十數圍洛陽
發中梁松樹竊自悲斧鋸截是松松樹東西摧持作四輪
車載至洛陽宮觀者莫不歎問是何山材誰能刻鏤此公
輸與魯班被之用丹漆薰用蘇合香本是南山松今爲宮
殿梁

怨詩行

八代詩選

五言一

三

天德悠且長人命一何促百年未幾時奄若風吹燭嘉賓
難再遇人命不可續齊度游四方各繫太山錄人間樂未
央忽然歸東嶽當須盪中情游心恣所欲

傷歌行

昭昭素明月輝光燭我牀憂人不能寐耿耿夜何長微風
吹閨闥羅帷自飄揚攬衣曳長帶屣履下高堂東西安所
之徘徊以旁皇春鳥翻南飛翩翩獨翱翔悲聲命儻匹哀
鳴傷我腸感物懷所思泣涕忽沾裳佇立吐高唫舒憤訴

穹蒼

古詩

上山採薜蘿下山逢故夫長跪問故夫新人復何如新人
雖言好未若故人姝顏色類相似手爪不相如新人從門
入故人從閣去新人工織縑故人工織素織縑日一匹織
素五丈餘將縑來比素新人不如故

四坐且莫諠願聽歌一言請說銅鑪器崔嵬象南山上枝
似松柏下根據銅盤雕文各異類離婁自相聯誰能爲此
器公輸與魯班朱火然其中青煙颺其間從風入君懷四
坐莫不歡香風難久居空令蕙草殘

悲與親友別氣結不能言贈子以自愛道遠會見難人生
無幾時顛沛在其間念子棄我去新心有所歡結志青雲
八代詩選 五言一
上何時復來還

穆穆清風至吹我羅衣裾青袍似春草長條隨風舒朝登
津梁山褰裳望所思安得抱柱信皎日以爲期

橘柚垂華實乃在深山側聞君好我甘竊獨自彫飾委身
玉盤中歷年冀見食芳菲不相投青黃忽改色人儻欲我
知因君爲羽翼

十五從軍征八十始得歸道逢鄉里人家中有阿誰遙望
是君家松柏冢累累兔從狗竇入雉從梁上飛中庭生旅
穀井上生旅葵烹穀持作飯采葵持作羹羹飯一時熟不
知貽阿誰出門東向望淚落沾我衣

新樹蘭蕙葩雜用杜蘅草終朝采其華日暮不盈抱采之
欲遺誰所思在遠道馨香易銷歇繁華會枯槁悵望何所
言臨風送懷抱

步出城東門遙望江南路前日風雪中故人從此去我欲
渡河水河水深無梁願爲雙黃鵠高飛還故鄉

高彪

清誠

天長而地久人生則不然又不養以福使全其壽年飲酒
病我性思慮害我神美色伐我命利欲亂我真神明無聊
賴愁毒於眾煩中年棄我逝忽若風過山形氣各分離一
往不復還上士愍其痛抗志凌雲煙滌蕩去穢累飄邈任
自然退修清以淨存吾玄中玄澄心翦思慮泰清不受塵
恍惚中有物希微無形端智慮赫赫盡谷神綿綿存

秦嘉

贈婦詩三首

并序

嘉爲上郡掾其妻徐淑寢疾還家不獲面別贈詩云爾
人生譬朝露居世多屯蹇憂艱常早至歡會常苦晚念當
奉時役去爾日遙遠遣車迎子還空往復空返省書情悽
愴臨食不能飯獨坐空房中誰與相勸勉長夜不能眠伏
枕獨展轉憂來如循環匪席不可轉

皇靈無私親爲善荷天祿傷我與爾身少小罹熒獨旣得
結大義歡樂苦不足念當遠離別思念敘歎山河廣無舟
梁道近隔邱陸臨路懷惆悵中駕正躑躅浮雲起高山悲
風激深谷良馬不迴鞍輕車不轉轂鍼藥可屢進愁思難
爲數貞士篤終始恩義不可促

蕭蕭僕夫征鏘鏘揚和鈴清晨當引邁束帶待雞鳴顧看
空室中髣髴想姿形一別懷萬恨起坐爲不甯何用敘我
心遺思致款誠寶釵好耀首明鏡可鑒形芳香去垢穢素
琴有清聲詩人感木瓜乃欲答瑤瓊愧彼贈我厚慙此往
物輕雖知未足報費用敘我情

八代詩選

五言一

六

蔡邕

飲馬長城窟行

青青河邊草綿綿思遠道遠道不可思宿昔夢見之夢見
在我傍忽覺在他鄉他鄉各異縣展轉不可見枯桑知天
風海水知天寒入門各自媚誰肯相爲言客從遠方來遺
我雙鯉魚呼童烹鯉魚中有尺素書長跪讀素書書中竟
何如上有加餐食下有長相憶

翠鳥

庭陬有若榴綠葉含丹榮翠鳥時來集振翼修容形回顧
生碧色動搖揚縹青幸脫虞人機得親君子庭馴心託君

素雌雄保百齡

酈炎

見志詩二首

大道夷且長窘路狹且促修翼無卑棲遠趾不步局舒吾
凌霄羽奮此千里足超邁絕塵驅倏忽誰能逐賢愚豈常
類稟性在清濁富貴有人籍貧賤無天錄通塞苟由己志
士不相卜陳平敖里社韓信釣河曲終居天下宰食此萬
鍾祿德音流千載功名重山嶽

靈芝生河洲動搖因洪波蘭榮一何晚巖霜瘁其柯哀哉
二芳草不植泰山阿文質道所貴遭時用有嘉絳灌臨衡
宰謂謹崇浮華賢才抑不用遠投荆南沙抱玉乘龍驥不
逢樂與和安得孔仲尼爲世陳四科

孔融

雜詩二首

巖巖鍾山首赫赫炎天路高明曜雲門遠景灼寒素昂昂
累世士結根在所固呂望老匹夫苟爲因世故管仲小凶
臣獨能建功祚人生有何常但患年歲暮幸託不肖軀且
當猛虎步安能苦一身與世同舉厝由不慎小節庸夫笑
我度呂望尙不希夷齊何足慕

遠送新行客歲暮乃來歸人門望愛子妻妾向人悲聞子

八代詩選

五言一

七

不可見日已潛光輝孤墳在西北常念君來遲褰裳上墟
正但見蒿與薇白骨歸黃泉肌體乘塵飛生時不識父死
後知我誰孤魂游窮暮飄飄安所依人生圖嗣息爾死我
念追俛仰內傷心不覺淚沾衣人生自有命但恨生日希
臨終詩

言多令事敗器漏苦不密河潰蟻孔端山壞由後穴涓涓
江漢流天窗通冥室讒邪害公正浮雲翳白日靡辭無忠
誠華繁竟不實人有兩三心安能合爲一三人成市虎浸
漬解膠漆生存多所慮長寢萬事畢

辛延年

八代詩選

五言一

六

羽林郎

昔有霍家奴姓馮名子都依倚將軍勢調笑酒家胡胡姬
年十五春日獨當壚長裾逶迤理帶廣袖合歡襦頭上藍田
玉耳後大秦珠兩鬟何窈窕一世良所無一鬟五百萬兩
鬟千萬餘不意金吾子娉婷過我廬銀鞍何煜燭翠蓋空
踟躕就我求清酒絲繩提玉壺就我求珍肴金盤膾鯉魚
遺我青銅鏡結我紅羅襦不惜紅羅裂何論輕賤軀男兒
愛後婦女子重前夫人生有新舊貴賤不相踰多謝金吾
子私愛徒區區

宋子侯

董嬌嬈

洛陽城東路桃李生路傍花花自相對葉葉自相當春風
東北起花葉正低昂不知誰家子提籠行採桑纖手折其
枝花落何飄颺請謝彼妹子何爲見損傷高秋八九月白
露變爲霜終年會飄墮安得久馨香秋時自零落春月復
芬芳何時盛年去懽愛永相忘吾欲竟此曲此曲愁人腸
歸來酌美酒挾瑟上高堂

蔡琰

悲憤詩

漢季失權柄董卓亂天常志欲圖篡弑先害諸賢良逼迫

八代詩選

五言一

九

遷舊邦擁主以自強海內興義師欲其討不祥卓眾來東
下金甲耀日光平土人脆弱來兵皆胡羌獵野圍城邑所
向悉破亡斬截無孑遺尸骸相掌拒馬邊縣男頭馬後載
婦女長驅西入關迴路險且阻還顧邈冥冥肝脾爲爛腐
所略有萬計不得令屯聚或有骨肉俱欲言不敢語失意
幾微聞輒言弊降虜要當以亭刃我曹不活汝豈復惜性
命不堪其詈罵或便加棰杖毒痛參并下且則號泣行夜
則悲吟坐欲死不能得欲生無一可彼蒼者何辜乃遭此
厄禍邊荒與華異人俗少義理處所多霜雪胡風春夏起
翩翩吹我衣肅肅入我耳感時念父母哀歎無窮已有客

從外來聞之常歡喜迎問其消息輒復非鄉里邂逅微時
願骨肉來迎己自得自解免當復棄兒子天屬綴人心念
別無會期存亡永乖隔不忍與之辭兒前抱我頸問母欲
何之人言母當去豈復有還時阿母常仁惻今何更不慈
我尙未成人奈何不顧思見此崩五內恍惚生狂癡號泣
手撫摩當發復回疑兼有同時輩相送告離別慕我獨得
歸哀叫聲摧裂馬爲立踟躕車爲不轉轍觀者皆歔歔行
路亦嗚咽去去割情戀遄征日遐邁悠悠三千里何時復
交會念我出腹子胸臆爲摧敗旣至家人盡又復無中外
城郭爲山林庭宇生荆艾白骨不知誰從橫莫覆蓋出門
無人聲豺狼號且吠熒熒對孤景怛咤糜肝肺登高遠眺
望魂神忽飛逝奄若壽命盡旁人相寬大爲復強視息雖
生何聊賴託命於新人竭心自勸厲流離成鄙賤常恐復
捐廢人生幾何時懷憂終年歲

諸葛亮

梁甫吟

步出齊城門遙望蕩陰里里有三墳纍纍正相似問是
誰家墓田疆古冶子力能排南山文能絕地紀一朝被讒
言一桃殺三士誰能爲此謀國相齊晏子

曹操

薤露

惟漢二十世所任誠不異沐猴而冠帶知小而謀彊猶豫不敢斷因狩執君王白虹爲貫日已亦先受殃賊臣執國柄殺主滅宇京蕩覆帝基業宗廟以燔喪播越西遷移號泣而且行瞻彼洛城郭微子爲哀傷

蒿里行

關東有義士興兵討羣凶初期會盟津乃心在咸陽軍合力不齊躊躇而雁行勢利使人爭嗣還自相戕淮南弟稱號刻璽於北方鎧甲生蟻蝨萬性以死亡白骨露於野千里無鷄鳴生民百遺一念之斷人腸

八代詩選

五言一

三

苦寒行

北上太行山艱哉何巍巍羊腸坂詰屈車輪爲之摧樹木何蕭瑟北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行多所懷我心何怫鬱思欲一東歸水深橋梁絕中路正徘徊迷惑失故路薄暮無宿棲行行日已遠人馬同時饑擔囊行取薪斧冰持作糜悲彼東山詩悠悠使我哀

卻東西門行

鴻雁出塞北乃在無人鄉舉翅萬里餘行止自成行冬節食南稻春日復北翔田中有轉蓬隨風遠飄揚長與故根

絕萬歲不相當奈何此征夫安得去四方戎馬不解鞍鎧甲不離傍冉冉老將至何時反故鄉神龍藏深泉猛虎步高岡狐死歸首豕故鄉安可忘

王粲

公讌詩

昊天降豐澤百卉挺葳蕤涼風撤蒸暑清雲卻炎暉高會君子堂並坐蔭華棖嘉肴充圓方旨酒盈金罍管絃發徽音曲度清且悲合坐同所樂但愬杯行遲常聞詩人語不醉且無歸今日不極歡舍情欲待誰見眷良不翅守分豈能違古人有遺言君子福所綏願我賢主人與天享巍巍

八代詩選

五言一

三

克符周公業弈世不可追

從軍詩五首

從軍有苦樂但問所從誰所從神且武焉得久勞師相公征關右赫怒震天威一舉滅獯虜再舉服羌夷西收邊地賊忽若俯拾遺陳賞越北山酒肉踰川坻軍中多沃饒人馬皆溢肥徒行兼乘還空出有餘資拓地三千里往返一如飛歌舞入鄴城所願獲無違晝日處大朝日暮薄言歸外參時明政內不廢家私禽獸憚爲犧良苗實已揮竊慕負鼎翁願厲朽鈍姿不能效沮溺相隨把鋤犁熟覽夫子詩信知所言非

涼風厲秋節司典告詳刑我君順時發桓桓東南征汎舟
蓋長川陳卒被隰垌征夫懷親戚誰能無戀情拊矜倚舟
檣眷眷思鄴城哀彼東山人喟然感鶴鳴日月不安處人
誰獲恆甯昔人從公旦一徂輒三齡今我神武師暫往必
速平棄余親睦恩輸力竭忠貞懼無一夫用報我素餐誠
夙夜白晡性思逝若抽縈將秉先登羽豈敢聽金聲

從軍征遐路討彼東南東方舟順廣川薄暮未安坻白日
半西山桑梓有餘暉蟋蟀夾岸鳴孤鳥翩翩飛征夫心多
懷悽愴令吾悲下船登高防草露霑我衣迴身赴牀寢此
愁當告誰身服干戈事豈得念所私卽戎有授命茲理不
入代詩選 五言一
可違

朝發鄴都橋暮濟白馬津逍遙河堤上左右望我軍連舫
踰萬艘帶甲千萬人率彼東南路將定一舉勦籌策運帷
幄一由我聖君恨我無時謀警諸具官臣鞠躬中堅內微
畫無所陳許歷爲完士一言猶敗秦我有素餐責誠愧伐
檀人雖無鉛刀用庶幾奮薄身

悠悠涉荒路靡靡我心愁四望無煙火但見林與北城郭
生榛棘蹊徑無所由萑蒲竟廣澤葭葦夾長流日夕涼風
發翩翩漂吾舟寒蟬在樹鳴鸛鶴摩天游客子多悲傷淚
下不可收朝入譙郡界曠然消人憂雞鳴達四境黍稷盈

原疇館宅充廛里士女滿莊堦自非賢聖國誰能享斯休
詩人美樂土雖客猶願留

詠史詩

自古無殉死達人所共知秦穆殺三良惜哉空爾爲結髮
事明君受恩良不訾臨沒要之死焉得不相隨妻子當門
泣兄弟哭路陴臨穴呼蒼天涕下如縷縻人生各有志終
不爲此移同知埋身劇心亦有所施生爲百夫雄死爲壯
士規黃鳥作哀詩至今身不虧

雜詩

日暮游西園冀寫憂思曲池揚素波列樹敷丹榮上有

入代詩選

五言一

五

特棲鳥懷春向我鳴褰袿欲從之路險不得征徘徊不能
去伫立望爾形風飈揚塵起白日忽已冥回身入空房託
夢通精誠人欲天不違何懼不合并

吉日簡清時從君出西園方軌策良馬並驅厲中原北臨
清漳水西看柏陽山回翔游廣園逍遙波水間

列車息眾駕相伴綠水湄幽蘭吐芳烈芙蓉發紅暉百鳥
何續翻振翼羣相追投網引潛魚強弩下高飛白日已西
邁歡樂忽忘歸

聯翻飛鸞鳥獨游無所因毛羽照野草哀鳴入層雲我尙
假羽翼飛覩爾形身願及春陽會交頸邁殷勤

鷺鳥化爲鳩遠竄江漢邊遭遇風雲會託身鸞鳳間天姿
既否戾受性又不閑邂逅見逼迫俛仰不得言

七哀詩三首

西京亂無象豺虎方遘患復棄中國去委身適荆蠻親戚
對我悲朋友相追攀出門無所見白骨蔽平原路有饑婦
人抱子棄草間顧聞號泣聲揮涕獨不還未知身死處何
能兩相完驅馬棄之去不忍聽此言南登霸陵岸回首望
長安悟彼下泉人喟然傷心肝

荆蠻非我鄉何爲久滯淫方舟泝大江日暮愁我心山岡
有餘映巖阿增重陰狐狸馳赴穴飛鳥翔故林流波激清

八代詩選

五言一

三五

響猴猿臨岸吟迅風拂裳袂白露沾衣襟獨夜不能寐攝
衣起撫琴絲桐感人情爲我發悲音羈旅無終極憂思壯
難任

邊城使心悲昔吾親更之冰雪截肌膚風飄無止期百里
不見人草木誰當遲登城望亭隧翩翩飛戍旗行者不顧
反出門與家辭子弟多俘虜哭泣無已時天下盡樂土何
爲久留茲蓼蟲不知辛去來勿與諮

陳琳

游覽二首

高會時不娛羈客難爲心殷懷從中發悲感激清音投觴

罷歡坐逍遙步長林肅肅山谷風默默天路陰惆悵忘旋
反獻歔涕沾襟

節運時氣舒秋風涼且清閒居心不娛駕言從友生翱翔
戲長流逍遙登高城東望看疇野迴顧覽園庭嘉木凋綠
葉芳草織紅榮騁哉日月逝年命將西傾建功不及時鐘
鼎何所銘收念還房寢慷慨詠墳經庶幾及君在立德垂
功名

徐幹

答劉公幹詩

與子別無幾所經未一旬我思一何篤其愁如三春雖路
在咫尺難涉如九關陶陶諸夏別草木昌且繁

八代詩選

五言一

美

情詩

高殿鬱崇崇廣廈淒淒微風起閨闈落日照階庭踟躕
雲屋下笑歌倚華楹君行殊不返我飾爲誰榮鑪薰闔不
用鏡匣上塵生綺羅失常色金翠暗無精嘉肴旣忘御旨
酒亦常停願瞻空寂寂唯聞燕雀聲憂思連相屬中心如
宿醒

室思一首

沈陰結愁憂愁憂爲誰興念與君相別各在天一方良會
未有期中心摧且傷不聊憂餐食慊慊常饑空端坐而無

爲髣髴君容光其一峩峩高山首悠悠萬里道君去日已遠

鬱結令人老人生一世間忽若暮春草時不可再得何爲

自愁惱每誦昔鴻恩賤軀焉足保其二浮雲何洋洋願因通

我詞飄飄不可寄徒倚徒相思人離皆復會君獨無反期

自君之出矣明鏡暗不治思君如流水何有窮已時其三慘

慘時節盡蘭華凋復榮喟然長歎息君期慰我情展轉不

能寐長夜何綿綿躡履起出戶仰觀三星連自恨志不遂

泣涕如涌泉其四思君見巾櫛以益我勞動安得鴻鸞羽觀

此心中人誠心亮不遂搔首立悁悁何言一不見復會無

因緣故如此目魚今隔如參辰其五人靡不有初想君能終

入代詩選

五言一

三

之別來歷年歲舊恩何可期重新而忘故君子所猶譏寄

身雖在遠豈忘君須臾既厚不爲薄想君時見思其六

劉楨

公讌詩

永日行游戲歡樂猶未央遺思在玄夜相與復翱翔輦車

飛素蓋從者盈路傍月出照園中珍木鬱蒼蒼清川過石

渠流波爲魚防芙蓉散其華菡萏溢金塘靈鳥宿水禽仁

獸游飛梁華館寄流波豁達來風涼生平未始聞歌之安

能詳投翰長歎息綺麗不可忘

贈五官中郎將四首

昔我從元后整駕至南鄉過彼豐沛都與君共翱翔四節
相推斥季冬風且涼眾賓會廣坐明鏡熺炎光清歌製妙
聲萬舞在中堂金罍含甘醴羽觴行無方長夜忘歸來聊
且爲太康四牡向路馳歡悅誠未央

余嬰沈痼疾鼠身清漳濱自夏涉玄冬彌曠十餘旬常恐
游岱宗不復見故人所親一何篤步趾慰我身清談同日
夕情盼敘憂勤便復爲別辭游車歸西鄰素葉隨風起廣
路揚埃塵逝者如流水哀此遂離分追問何時會要我以
陽春望慕結不解貽爾新詩文勉哉修令德北面自寵珍
秋日多悲懷感慨以長歎終夜不遑寐敘意於濡翰明鏡
八代詩選 五言一
曜閨中清風淒以寒白露塗前庭應門重其關四節相推
斥歲月忽欲殫壯士遠出征戎事將獨難涕泣灑衣裳能
不懷所歡

涼風吹沙礫霜氣何皚皚明月照緹幕華燈散炎輝賦詩
連篇章極夜不知歸君侯多壯思文雅縱橫飛小臣信頑
鹵儂俛安能追

贈徐幹

誰謂相去遠隔此西掖垣拘限清切禁中情無由宣恩子
沈心曲長歎不能言起坐失次第一日三四遷步出北寺
門遙望西苑園細柳夾道生方塘含清源輕葉隨風轉飛

鳥何翻翻乖人易感動涕下與衿連仰視白日光皦皦高
且懸兼燭入絃內物類無頗偏我獨抱深感不得與比焉
贈從弟三首

汎汎東流水磷磷水中石蘋藻生其涯華葉紛擾溺采之
薦宗廟可以羞嘉客豈無園中葵懿此出深澤

亭亭山上松瑟瑟谷中風風聲一何盛松枝一何勁冰霜
正慘悽終歲常端正豈不罹凝寒松柏有本性

鳳皇集南嶽徘徊孤竹根於心有不厭奮翅凌紫氛豈不
常勤苦羞與黃雀羣何時當來儀將須聖明君

雜詩

入代詩選

五言一

五

職事相填委文墨紛消散馳翰未暇食日昃不知晏沈迷
簿領書回回自昏亂釋此出西城登高且游觀方塘含白
水中有鳧與雁安得肅肅羽從爾浮波瀾

鬪雞

丹雞被華采雙距如鋒芒願一揚炎威會戰此中唐利爪
探玉除瞋目含火光長翹驚風起勁翮正敷張輕舉奮句
喙電擊復還翔

失題二首

昔君錯畦時東土有素木條柯不盈尋一尺再三曲隱生
實翳林倥偬自迫東得託芳蘭苑列植高山足

青青女蘿草上依高松枝幸蒙庇養恩分惠不可貲風雨
雖急疾根株不傾移

應場

侍五官中郎將建章臺集詩

朝雁鳴雲中音響一何哀問子游何鄉敢翼正徘徊言我
塞門來將就衡陽樓往春翔北土今冬客南淮遠行蒙霜
雪毛羽日摧頽常恐傷肌骨身隕沈黃泥簡珠墮沙石何
能中自諧欲因雲雨會濯翼陵高梯良遇不可值伸眉路
何階公子敬愛客樂飲不知疲和顏旣已暢乃肯顧細微
贈詩見存慰小子非所宜且爲極懽情不醉其無歸凡百
八代詩選 五言一
敬爾位以副饑渴懷

別詩二首

朝雲浮四海日暮歸故山行役懷舊土悲思不能言悠悠
涉千里未知何時旋

浩浩長河水九折東北流晨夜赴滄海海流亦何抽遠適
萬里道歸來未有由臨河累太息五內懷傷憂

鬪雞

戚戚懷不樂無以釋勞動兄弟游戲場命駕迎眾賓二部
分曹伍羣雞煥以陳雙距解長綵飛踊超敵倫芥羽張金
距連戰何續紛從朝至日夕勝負尙未分專場驅眾敵剛

捷逸等羣四坐同休贊賓主懷悅欣博奕非不樂此戲世
所珍

阮瑀

駕出北郭門行

駕出北郭門馬樊不肯馳下車步脚躡仰折枯楊枝顧聞
丘林中嗷嗷有悲啼借問啼者出何爲乃如斯親母舍我
沒後母憎孤兒饑寒無衣食舉動鞭捶施骨消肌肉盡體
若枯樹皮藏我空室中文還不能知上冢察故處存亡永
別離親母何可見淚下聲正嘶棄我於此間窮厄豈有賞
傳告後代人以此爲明規

八代詩選

五言一

三

琴歌

奔奔天門開大會應期運青蓋巡九州在東西人怨士爲
知已死女爲悅者玩恩義苟潛暢他人焉能亂

詠史詩二首

誤哉秦穆公身沒從三良忠臣不違命隨軀就死亡低頭
闕墮戶仰視日月光誰謂此何處恩義不可忘路人爲流
涕黃鳥鳴高桑

燕丹養勇士荆軻爲上賓圖盡擢匕首長驅西入秦素車
駕白馬相送易水津漸離擊筑歌悲聲感路人舉坐同咨
嗟歎氣若青雲

雜詩二首

臨川多悲風秋日苦清涼客子易爲感感此用哀傷攬衣
起躑躅上觀心與房三星守故次明月未收光雞鳴當何
時朝晨尙未央還坐長太息憂憂安可忘

我行自凜秋季冬乃來歸置酒高堂上友朋集光輝念當
復離別涉路險且夷思慮益惆悵淚下沾裳衣

七哀詩

丁年難再遇富貴不重來良時忽一過身體爲土灰冥冥
九泉室漫漫長夜臺身盡氣力索精魂靡所能嘉穀設不
御旨酒盈觴杯出壙望故鄉但見蒿與萊

八代詩選

五言一

三

隱士

四浩潛南山老萊竄河濱顏回樂陋巷許由安賤貧伯夷
餓首陽天下歸其仁何患處貧苦但當守明真

苦雨

苦雨滋玄冬引日彌且長丹墀自殲殪深樹猶沾裳客行
易感悴我心摧已傷登臺望江沔陽侯沛洋洋

繁欽

蕙詠

蕙草生山北託身失所依植根陰崖側夙夜懼危頽寒泉
浸我根淒風常徘徊三光照入極獨不蒙餘暉葩葉永彫

悴凝露不暇晷百草皆含榮已獨失時姿比我英芳發鵝
鳩鳴已哀

定情詩

我出東門游邂逅承清塵思君卽幽房侍寢執衣巾時無
桑巾契迫此路側人我旣媚君姿君亦悅我顏何以致拳
拳箱臂雙金環何以道殷勤約指一雙銀河以致區區耳
中雙明珠何以致叩叩香囊繫肘後何以致契闊繞腕雙
跳脫何以結恩情美玉綴羅纓何以結中心素縷連雙鍼
何以結相於金薄書搔頭何以憫別離耳後瑇瑁釵何以
答歡忻紈素三條裙何以結愁悲白絹雙中衣與我期何
所乃期東山隅日旰兮不來谷風吹我襦遠望無所見涕
泣起踟躕與我期何所乃期山南陽日中兮不來飄風吹
我裳逍遙莫誰覩望君愁我腸與我期何所乃期西山側
日夕兮不來躑躅長歎息遠望涼風至俯仰正衣服與我
期何所乃期山北岑日暮兮不來淒風吹我襟望君不能
坐悲苦愁我心愛身以何爲惜我華色時中情旣款款然
後克密期褰衣躡茂草謂君不我欺廁此醜陋質徒倚無
所之自傷失所欲淚下如連絲

秦宓

遠游

遠游何所見所見邈難紀巖穴非我鄰林麓無知己虎則
豹之兄鷹則鷂之弟困獸走環岡飛鳥驚巢起猛氣何咆
厲陰風起千里遠游長太息太息遠游子

無名人

古詩爲焦仲卿妻作

并序

漢末建安中廬江府小吏焦仲卿妻劉氏爲仲卿母所
遣自誓不嫁其家逼之乃沒水而死仲卿聞之亦自縊
於庭樹時人傷之爲詩云爾

孔雀東南飛五里一裴徊十三能織素十四學裁衣十五
彈箏篴十六誦詩書十七爲君婦心中常苦悲君旣爲府
八代詩選 五言

卷

吏守節情不移賤妾留空房相見常日稀鷄鳴入機織夜
夜不得息三日斷五疋大人故嫌遲非爲織作遲君家婦
難爲妾不堪驅使徒留無所施便可白公姥及時相遣歸
府吏得聞之堂上啟阿母兒已薄祿相幸復得此婦結髮
同枕席黃泉共爲友共事三二年始爾未爲久女行無偏
斜何意致不厚阿母謂府吏何乃太區區此婦無禮節舉
動自專由吾意久懷忿汝豈得自由東家有賢女自名秦
羅敷可憐體無比阿母爲汝求便可速遣之遣去慎莫留
府吏長跪告伏惟啟阿母今若遣此婦終老不復取阿母
得聞之槌牀便大怒小子無所畏何敢助婦語吾已失恩

義會不相從許府吏默無聲再拜還入戶舉言謂新婦哽
咽不能語我自不驅卿逼迫有阿母卿但暫還家吾今且
報府不久當歸還還必相迎取以此下心意慎勿違吾語
新婦謂府吏勿復重紛紜往昔初陽歲謝家來貴門奉事
循公姥進止敢自專晝夜勤作息伶俜縈苦辛謂言無罪
過供養卒大恩仍更被驅遣何言復來還妾有繡腰襦葳
蕤自生光紅羅複斗帳四角垂香囊箱簾六七十綠碧青
絲繩物物各自異種種在其中人賤物亦鄙不足迎後人
留待作遺施於今無會因時時爲安慰久久莫相忘雞鳴
外欲曙新婦起嚴妝著我繡袂裙事事四五通足下躡絲

八代詩選

五言一

五

履頭上玳瑁光腰若流紈素耳著明月璫指如削葱根口
如含珠丹纖纖作細步精妙世無雙上堂拜阿母阿母怒
不止昔作女兒時生小出野里本自無教訓兼愧貴家子
受母錢帛多不堪母驅使今日還家去念母勞家裏卻與
小姑別淚落連珠子新婦初來時小姑始扶牀今日被驅
遣小姑如我長勤心養公姥好自相扶將初七及下九嬉
戲莫相忘出門登車去涕落百餘行府吏馬在前新婦車
在後隱隱何甸甸俱會大道口下馬入車中低頭其耳語
誓不相隔卿且暫還家去吾今且赴府不久當還歸誓天
不相負新婦謂府吏感君區區懷君既若見錄不久望君

來君當作盤石妾當作蒲葦蒲葦紉如絲盤石無轉移我
有親父兄性行暴如雷恐不任我意逆以煎我懷舉手長
勞勞二情回依依入門上家堂進退無顏儀阿母大拊掌
不圖子自歸十三教汝織十四能裁衣十五彈箏後十六
知禮儀十七遣汝嫁謂言無誓違汝今何罪過不迎而自
歸蘭芝慙阿母兒實無罪過阿母大悲摧還家十餘日縣
令遣媒來云有第三郎窈窕世無雙年始十八九便言多
令才阿母謂阿女汝可去應之阿女含淚答蘭芝初還時
府吏見丁甯結誓不別離今日違情義恐此事非奇自可
斷來信徐徐更謂之阿母白媒人貧賤有此女始適還家

八代詩選

五言一

美

門不堪吏人婦豈合令郎君幸可廣問訊不得便相許媒
人去數日尋遣丞請還說有蘭家女承籍有宦官云有第
五郎嬌逸未有婚遣丞爲媒人主簿通語言直說太守家
有此令郎君既欲結大義故遣來貴門阿母謝媒人女子
先有誓老姥豈敢言阿兄得聞之悵然心中煩舉言謂阿
妹作計何不量先嫁得府吏後嫁得郎君否泰如天地足
以榮汝身不嫁義郎體其佳欲何云蘭芝仰頭答理實如
兄言謝家事夫壻中道還兄門處分適兄意那得自任專
雖與府吏要渠會永無緣登卽相許和便可作婚姻媒人
下牀去諾諾復爾爾還部白府君下官奉使命言談大有

緣府君得聞之心中大歡喜視歷復開書便利此月內六合正相應良吉三十日今已二十七卿可去成婚交語速裝束絡繹如浮雲青雀白鶴舫四角龍子幡婀娜隨風轉金車玉作輪躑躅青驄馬流蘇金縷鞍齎錢三百萬皆川青絲穿雜綵三百疋交廣市鮭珍從人四五百鬱鬱登郡門阿母謂阿女適得府君書明日來迎汝何不作衣裳莫令事不舉阿女默無聲手巾掩口啼淚落便如瀉移我琉璃榻出置前窗下左手持刀尺右手執綾羅朝成繡袂裙晚成單羅衫晻晻日欲暝愁思出門啼府吏聞此變因求假暫歸未至二三里摧藏馬悲哀新婦識馬聲躑躅相逢

八代詩選

五言一

七

迎悵然遙相望知是故人來舉手拍馬鞍嗟歎使心傷自君別我後人事不可量果不如先願又非君所詳我有親父母逼迫兼弟兄以我應他人君還何所望府吏謂新婦賀卿得高遷盤石方且厚可以卒千年蒲葦一時初便作旦夕間卿當日勝貴吾獨向黃泉新婦謂府吏何意出此言同是被逼迫君爾妾亦然黃泉下相見勿違今日言執手分道去各各還家門生人作死別恨恨那可論念與世間辭千萬不復全府吏還家去上堂拜阿母今日大風寒寒風摧樹木嚴霜結庭蘭兒今日冥冥令母在後單故作不良計勿復怨鬼神命如南山石四體康且直阿母得聞

之零淚應聲落汝是大家子仕宦於臺閣慎勿爲婦死賁
賤情何薄東家有賢女窈窕豔城郭阿母爲汝求便復在
旦夕府吏再拜還長歎空房中作計乃爾立轉頭向戶裏
漸見愁煎迫其日牛馬嘶新婦入青廬奄奄黃昏後寂寂
人定初我命絕今日魂去尸長留攬裙脫絲履舉身赴清
池府吏聞此事心知長別離徘徊庭樹下自挂東南枝兩
家求合葬合葬華山傍東西植松柏左右種梧桐枝枝相
覆蓋葉葉相交通中有雙飛鳥自名爲鴛鴦仰頭相向鳴
夜夜達五更行人駐足聽寡婦起彷徨多謝後世人戒之
慎勿忘

八代詩選

五言一

美

上留田行

里中有啼兒似類親父子回車問啼兒慷慨不可止

折楊柳行

默默施行違厥罰隨事來未喜般龍逢桀放於鳴條祖伊
言不用紂頭懸白旄指鹿用爲馬胡亥以喪軀夫差臨命
絕乃云負子胥戎王納女樂以亡其由余璧馬禍及號二
國俱爲墟三人成市虎慈母投杼趨卞和之別足接輿歸
草廬

刺巴郡守詩

孝桓帝時河南李盛仲和爲巴郡守貪財重賦國人刺

之曰

狗吠何諠諠有吏來在門披衣出門應付記欲得錢語窮
乞請期吏怒反見尤旋步顧家中家中無可爲思往從鄰
貸鄰人言已匱錢錢何難得令我獨憔悴

雜歌

晨行梓道中梓葉相切磨與君別交中繡如新縑維裂之
有餘絲吐之無還期

古八變歌

北風初秋至吹我草華臺浮雲多暮色似從崦嵫來枯桑
鳴中林絡緯響空階翩翩飛蓬征愴愴游子懷故鄉不可

八代詩選

五言一

見長望始此回

五

古拙借歌

棗下何攢攢榮華各有時棗欲初赤時人從四邊來棗適
今日賜誰當仰視之

豔歌

今日樂上樂相從步雲衢天公出美酒河伯出鱉魚青龍
前鋪席白虎持榼壺南斗工鼓瑟北斗吹笙竽姮娥垂明
璫織女奉瑛琚蒼霞揚東謳清風流西飮垂露成帷幄奔
星伏輪輿

八代詩選卷第三

魏第一

八代詩選四

五言第二

長沙湘潭王闓運撰

文帝曹丕

釣竿行

東越河濟水遙望大海涯釣竿何珊珊魚尾何篔簹行路
之好者芳餌欲何爲

善哉行二首

朝日樂相樂酣飲不知醉悲絃激新聲長笛吐清氣其一絃
歌感人腸四坐皆歡悅寥寥高堂上涼風入我室其二持滿
如不盈有德者能卒君子多苦心所愁不但一其三慊慊下

入代詩選

五言二

一

白屋吐握不可失眾賓飽滿歸主人苦不悉其四比翼翔雲
漢羅者安所羈冲靜得自然榮華何足爲其五

朝游高臺觀夕宴華池陰大酋奉甘醪狩人獻嘉禽其一齊

倡發東舞秦奏西音有客從南來爲我彈清琴其二五音

紛繁會拊者激微吟淫魚乘波聽踴躍自浮沈其三飛鳥翾

翔舞悲鳴集北林樂極哀情來寥寥摧肝心其四清角豈不

妙德薄所不任犬哉子野言弭絃且自禁其五

折楊柳行

西山亦何高高高殊無極上有兩仙僮不飲亦不食與我
一丸藥光耀有五色服藥四五日身體生羽翼輕舉乘浮

雲倏忽行萬億流覽觀四海茫茫非所識彭祖稱七百悠
悠安可原老聃適西戎於今竟不還王喬假虛辭赤松垂
空言達人識真偽愚夫好妄傳追念往古事憤憤千萬端
百家多迂怪聖道我所觀

芙蓉池作

乘輦夜行游逍遙步西園雙渠相溉灌嘉木繞通川卑枝
拂羽蓋修條摩蒼天驚風扶輪轂飛鳥翔我前丹霞夾明
月華星出雲間上天垂光彩五色亦何鮮壽命非松喬誰
能得神仙遨游快心意保已終百年

於玄武陂作

入代詩選

五言二

二

兄弟其行游驅車出西城野田廣開闢川渠互相經黍稷
何鬱鬱流波激悲聲菱芙蓉發丹榮柳垂重蔭
綠向我池邊生乘渚望長洲羣鳥謹譁鳴萍藻泛濫浮澹
澹隨風傾忘憂其容與曠此千秋情

至廣陵於馬上作

觀兵臨江水水流何湯湯戈矛成山林立甲耀日光猛將
懷暴怒膽氣正縱橫誰云江水廣一葦可以航不戰屈敵
虜戢兵稱賢良古公宅岐邑實始翦殷商孟獻營虎牢鄭
人懼稽顙充國務耕殖先零自破亡興農淮泗間築室都
徐方量宜運權略六軍咸悅康豈如東山詩悠悠多憂傷

雜詩二首

漫漫秋夜長，烈烈北風涼。展轉不能寐，披衣起彷徨。彷徨忽已久，白露沾我裳。俯視清水波，仰看明月光。天漢回西流，三五正縱橫。草蟲鳴何悲，孤雁獨南翔。鬱鬱多悲思，綿綿思故鄉。願飛安得翼，欲濟河無梁。向風長歎息，斷絕我中腸。

西北有浮雲，亭亭如車蓋。惜哉時不遇，適與飄風會。吹我東南行，行行至吳會。吳會非我鄉，安得久留滯。棄置勿復陳，客子常畏人。

於清河見輓船士新婚與妻別一首

八代詩選

五言二
號一

三

與君結新婚，宿昔當別離。涼風動秋草，蟋蟀鳴相隨。冽冽寒蟬吟，蟬吟抱枯枝。枯枝時飛揚，身體忽遷移。不悲身遷移，但惜歲月馳。歲月無窮極，會合安可知。願爲雙黃鵠，比翼戲清池。

清河作

方舟戲長水，湛澹自浮沈。絃歌發中流，悲響有餘音。音聲入君懷，悽愴傷人心。心傷安所念，但願恩情深。願爲晨風鳥，雙飛翔北林。

甄皇后

當從玉臺改
爲魏明帝作

樂府塘上行

蒲生我池中其葉何離離旁能行仁義莫若妾自知眾口
鑠黃金使君生別離念君去我時獨愁常苦悲想見君顏
色感結傷心脾念君常苦悲夜夜不能寐莫以賢豪故棄
捐素所愛莫以魚肉賤棄捐葱與薤莫以麻枲賤棄捐菅
與蒹出亦復愁苦入亦復愁邊地多悲風樹木何脩脩
從軍致獨樂延年壽千秋

明帝勅

長歌行

靜夜不能寐耳聽眾禽鳴大城育狐兔高墉多鳥聲壞宇
何寥廓宿屋邪草生中心感時物撫劍下前庭翔於階

八代詩選

五言二

四

際景星一何明仰首觀靈宿北辰奮休榮哀彼失羣燕喪
偶獨熒熒單心誰與侶造房孰與成徒然喟有和悲慘傷
人情余情偏易感懷往增憤盈吐吟音不徹泣涕沾羅纓
苦寒行

悠悠發洛都龔我征東行征行彌二旬屯吹隴陂城顧觀
故壘處皇祖之所營屋室若平昔棟宇無邪傾奈何我皇
祖潛德隱聖形雖沒而不朽書貴垂伐名光我皇祖軒
耀同其榮遺化布四海八表以肅清雖有吳蜀寇春秋足
耀兵徒悲我皇祖不永享百齡賦詩以寫懷伏軾淚霑纓

懼歌行

王者布大化配乾稽后祇湯育則陰翬景應度移文德
以時振武功伐不隨重華舞干戚有苗服從媯蠢爾吳中
虜憑江棲山阻哀哉王士民瞻仰靡依怙皇上悼愍斯宿
昔奮天怒發我許昌宮列舟於長浦翼日乘波揚棹歌悲
且涼太常拂白日旗幟紛設張將抗旄與鉞耀威於彼方
伐罪以弔民清我東南疆

種瓜篇

種瓜東井上冉冉自踰垣與君新爲婚瓜葛相結連寄託
不肖軀有如倚太山免絲無根株蔓延自登綠萍藻託清
流常恐身不全被蒙邱山惠賤妾執拳拳天日照知之想
入代詩選

魏五言二

五

君亦俱然

曹植

薤露行

天地無窮極陰陽轉相因人居一世間忽若風吹塵願得
展功勤輸力於明君懷此王佐才慷慨獨不羣鱗介尊神
龍走獸宗麒麟蟲獸猶知德何況於士人孔氏刪詩書王
業燦已分騁我徑寸翰流藻垂華芬

惟漢行

太極定二儀清濁始以形三光炤八極天道甚著明爲人
立君長欲以遂其生行仁章以瑞變故誠驕盈神高而聽

卑報若響應聲明主敬細微三季膺天經二皇稱至化盛
哉唐虞庭禹湯繼厥德周亦致太平在昔懷帝京日昃不
敢甯濟濟在公朝萬載馳其名

君子行

君子防未然不處嫌疑間瓜田不納履李下不正冠嫂叔
不親授長幼不比肩勞謙得其柄和光甚獨難周公下白
屋吐哺不及餐一沐三握髮後世稱聖賢

鰕鮓篇

鰕鮓游橫潦不知江海流燕雀戲藩柴安識鴻鶴游世士
此誠明大德固無儔駕言登五嶽然後小陵丘俯觀上路
八代詩選
魏
五言二
人勢利惟是謀讐高念皇家遠懷柔九州撫劍而雷音猛
氣縱橫浮沉泊徒嗷嗷誰知壯士憂

吁嗟篇

吁嗟此轉蓬居世何獨然長與本根逝宿夜無休閒東西
經七陌南北越九阡卒遇回風起吹我入雲間自謂終天
路忽然下沈泉驚飈接我出故歸彼中田當南而更北謂
東而反西宕宕當何依忽亡而復存飄颻周八澤連翩歷
五山流轉無恆處誰知吾苦艱願爲中林草秋隨野火燔
糜滅豈不痛願與根莖連

豫章行

鴛鴦自朋親不若比翼連他人雖同盟骨肉天性然周公
穆康叔管蔡則流言子臧譴干乘季札慕其賢

蒲生行浮萍篇

浮萍寄清水隨風東西流結髮辭嚴親來爲君子仇恪勤
在朝夕無端獲罪尤在昔蒙恩惠和樂如瑟琴何意今摧
頽曠若商與參茱萸自有芳不若桂與蘭新人雖可愛無
若故所懽行雲有反期君恩儻中還慊慊仰天歎愁心將
何想日月不恆處人生忽若寓悲風來入懷淚下如垂露
發篋造裳衣裁縫紈與素

箜篌引

八代詩選

魏一

七

置酒高殿上親友從我游中廚辦豐膳烹羊宰肥牛秦箏
何慷慨齊瑟和且柔陽阿奏奇舞京洛出名謳樂飲過三
爵緩帶傾庶羞主稱千金壽賓奉萬年酬久要不可忘薄
終義所尤謙謙君子德磬折欲何求驚風飄白日光景馳
西流盛時不可再百年忽我適生存華屋處零落歸山丘
先民誰不死知命復何憂

野田黃雀行

高樹多悲風海水揚其波利劍不在掌結友何須多不見
籬間雀見鶴自投羅羅家得雀喜少年見雀悲拔劍拊羅
網黃雀得飛飛飛摩蒼天來下謝少年

怨歌行

爲君旣不易爲臣良獨難忠信事不顯乃有見疑患周公
佐成王金縢功不刊世心輔王室二叔反流言待罪居東
國泣涕常流連皇靈大動變震雷風且寒拔樹偃秋稼天
威不可干素服開金縢感悟求其端公且事旣顯成王乃
哀歎吾欲竟此曲此曲悲且長今日樂相樂別後莫相忘
升天行

扶桑之所出乃在朝陽谿中心陵蒼昊布葉蓋天涯日出
登東幹旣夕沒西枝願得紆陽轡迴日使東馳

五游篇

八代詩選

五言二

八

九州不足步願得凌雲翔逍遙八紘外游目歷遐荒披我
丹霞衣襲我素霓裳華蓋芬晻藹六龍仰天驥曜靈未移
景倏忽造昊蒼閭闔啟丹扉雙闕曜朱光徘徊文昌殿登
陟太微堂上帝休西櫺羣后集東廂帶我瓊瑤佩漱我沆
瀣漿踟躕玩靈芝徙倚弄華芳王子奉仙藥羨門進奇方
服食享遐紀延壽保無疆

鬪雞篇

游目極妙伎清聽厭宮商主人寂無爲眾賓進樂方長筵
坐戲客鬪雞間觀房羣雄正翕赫雙翅自飛揚揮羽激清
風轉目發朱光鶯落輕毛散嚴距往往傷長鳴入青雲扇

翼獨翱翔願蒙狸膏助常得擅此場

聖皇篇

聖皇應曆數正康帝道休九州咸賓服威德洞八幽三公
奏諸公不得久淹留蕃位任至重舊章威率由侍臣省文
奏陛下體仁慈沈吟有愛戀不忍聽可之迫有官典憲不
得顧恩私諸王當就國璽綬何累縷便時舍外殿宮省寂
無人主上增顧念皇母懷苦辛何以爲贈賜傾府竭寶珍
文錢百億萬采帛若煙雲乘輿服御物錦羅與金銀龍旂
垂九旒羽蓋參班輪諸王自計念無功荷厚德思一效筋
力糜軀以報國鴻臚擁節衛副使隨經營貴戚並出送夾
八代詩選

魏言二

九

道交輜輶車服齊整設擘擘耀天精武騎衛前後鼓吹簫
笳聲祖道魏東門淚下霑冠纓扳蓋因內顧俯仰慕同生
行行將日暮何時還闕庭車輪爲徘徊四馬躊躇鳴路人
尙酸鼻何況骨肉情

靈芝篇

靈芝生玉石朱草被洛濱榮華相晃耀光采擘若神古時
有虞舜父母頑且嚚盡孝於田壠烝烝不違仁伯瑜年七
十絲衣以娛親慈母笞不痛歔歔涕霑巾丁蘭少失母自
傷早孤煢刻木當嚴親朝夕致三牲暴子見陵侮犯罪以
忘形丈人爲泣血免戾全其名董永遭家貧父老財無遺

舉假以供養備作致甘肥責家填門至不知何用歸天靈
感至德神女爲秉機歲月不安居嗚呼我皇考生我旣已
晚棄我何其早蓼莪誰所興念之令人老退詠南風詩灑
淚滿禕袍亂曰聖皇君四海德教朝夕宣萬國咸禮讓百
姓家肅虔庠序不失儀孝悌處中田戶有曾閔子比屋皆
仁賢髻亂無天齒黃髮盡其年陛下三萬歲慈母亦復然
精微篇

精微爛金石至心動神明杞妻哭死夫梁山爲之傾子丹
西質秦烏白馬角生鄒衍囚燕市繁霜爲夏零關東有賢
女自字蘇來卿壯年報父仇身沒垂功名女休逢赦書白

八代詩選

卷一

十

刃幾在頸俱上列仙籍去死獨就生大倉令有罪遠徵當
就拘自悲居無男禍至無與俱緹縈痛父言荷擔西上書
盤桓北闕下泣淚何漣如乞得并姊弟沒身贖父軀漢文
感其義肉刑法用除其父得以免辯義在列圖多男亦何
爲一女足成居簡子南渡河津吏廢舟船執法將加刑女
娟擁櫂前妾父聞君來將涉不測淵畏懼風波起禱祝祭
名川備禮饗神祇爲君求福先不勝醮祀誠至今犯罰艱
君必欲加誅乞使知罪讐妾願以身代至誠感蒼天國君
高其義其父用赦原河激奏中流簡子知其賢歸聘爲夫
人榮寵超後先辯女解父命何況健少年黃初發和氣明

堂德教施治道致太平 禮樂風俗移刑措民無枉怨女復
何爲聖皇長壽考景福 常來儀

當欲游南山行

東海廣且深由卑下百川五嶽雖高大不逆垢與塵良木
不十圍洪條無所因長者能博愛天下寄其身大匠無棄
材船車用不均錐刀各異能何所獨卻前嘉善而矜愚大
聖亦同然仁者各壽考四坐咸萬年

名都篇

名都多妖女京洛出少年寶劍直千金被服麗且鮮鬪雞
東郊道走馬長楸間馳騁未能半雙兔過我前攬弓捷鳴

八代詩選

五言二
魏一

十一

鎬長驅上南山左挽因右發一縱兩禽連餘巧未及展仰
手接飛鳶觀者咸稱善焮工歸我妍歸來宴平樂美酒斗
十千膾鯉鵬胎鰕炮鼈炙熊蹯鳴儔嘯匹侶列坐竟長筵
連翩擊鞠壤巧捷惟萬端白日西南馳光景不可攀雲散
還城邑清晨復來還

美女篇

美女妖且閒採桑岐路間柔條紛冉冉落葉何翩翩攘袖
見素手皓腕約金環頭上金爵釵腰佩翠琅玕明珠交玉
體珊瑚間木難羅衣何飄飄輕車隨風還顧盼遺光彩長
嘯氣若蘭行徒用息駕休者以忘餐借問女安居乃在城

南端青樓臨大路高門結重關容華耀朝日誰不希令顏
媒氏何所營玉帛不時安佳人慕高義求賢良獨難眾人
徒嗷嗷安知彼所觀盛年處房室中夜起長歎

白馬篇

白馬飾金羈連翩西北馳借問誰家子幽并游俠兒少小
去鄉邑揚聲沙漠垂宿昔秉良弓楛矢何參差控弦破左
的右發摧月支仰手接飛猱俯身散馬蹄狡捷過猴猿勇
剽若豹螭邊城多警急胡虜數遷移羽檄從北來厲馬登
高隄長驅蹈匈奴左顧陵鮮卑棄身鋒刃端性命安可懷
父母且不顧何言子與妻名編壯士籍不得中顧私捐軀

八代詩選

雜言一

赴國難視死忽如歸

遠游篇

遠游臨四海俯仰觀洪波大魚若曲陵承浪相經過靈鼈
戴方丈神嶽儼嵯峨仙人翔其隅玉女戲其阿瓊蓋可療
饑仰首吸朝霞崑崙本吾宅中州非我家將歸謁東父一
舉超流沙鼓翼舞時風長嘯激清歌金石固易敝日月同
光華齊年與天地萬乘安足多

仙人篇

仙人攬六著對博太山隅湘娥拊琴瑟秦女吹笙竽玉樽
盈桂酒河伯獻神魚四海一何局九州安所如韓終與王

喬安我於天衢萬里不足步輕舉凌太虛飛騰踰景雲高
風吹我軀迴駕觀紫微與帝合靈符闔闔自嵯峨雙闕萬
丈餘玉樹扶道生白虎夾門樞驅風游四海東過王母廬
俯視五嶽間人生如寄居潛光養羽翼進趨且徐徐不見
軒轅氏乘龍出鼎湖徘徊九天上與爾長相須

盤石篇

盤盤山顛石飄颻澗底達我本太山人何爲客淮東蒹葭
彌斥士林木無分重坼巖苦崩缺湖水何洶洶蚌蛤被濱
涯光彩如錦虹高波凌雲霄浮氣象螭龍鯨脊若丘陵鬚
若山上松呼吸吞船櫂澎濞戲中鴻方舟尋高價珍寶麗

人代詩選

魏五言二

三

以通一舉必千里乘颶舉帆幢經危履險阻未知命所鍾
常恐沈黃壚下與黿鼉同南極蒼梧野游盼窮九江中夜
指參辰欲歸當定從仰天長太息思想懷故邦乘桴何所
志吁嗟我孔公

驅車篇

驅車揮驚馬東到奉高城神哉彼泰山五嶽專其名隆高
貫雲霓嵯峨出太清周流二六埃間置十二亭上有湧醴
泉玉石揚華英東北望吳野西眺觀日精魂神所繫屬浙
者感斯征王者以歸天效厥元功成歷代無不遵禮記有
品程採策或長短惟德享利貞封者七十帝軒皇元獨靈

餐霞漱沆瀣毛羽被身形發舉蹈虛廓徑庭升窈冥同壽
東父年曠代永生

種葛篇

種葛南山下葛藟自成陰與君初婚時結髮恩義深權愛
在枕席宿昔同衣衾竊慕棠棣篇好樂和瑟琴行年將晚
暮佳人懷異心恩紀曠不接我情遂抑沈出門當何顧徘徊
步北林下有交頸獸仰見雙棲禽攀枝長歎息淚下沾
羅襟良馬知我悲延頸代我吟昔爲同池魚今爲商與參
往古皆歎遇我獨困於今棄置委天命悠悠安可任

棄婦篇

八代詩選

五言二

四

石榴植前庭綠葉搖縹青丹華灼烈烈璀璨彩有光榮光榮
畦流離可以處淑靈有鳥飛來集拊翼以悲鳴悲鳴夫何
爲丹華實不成拊心長歎息無子當歸甯有子月經天無
子若流星天月相終始流星沒無精棲遲失所宜下與瓦
石并憂懷從中來歎息通雉鳴反側不能寐逍遙於前庭
踟躕還入房肅肅帷幕聲寧幃更攝帶撫弦彈鳴箏慷慨
有餘音要妙悲且清收淚長歎息何以負神靈招搖待霜
露何必春夏成晚穫爲良實願君且安甯

公宴詩

公子敬愛客終宴不知疲清夜游西園飛蓋相追隨明月

澄清影列宿正參差秋蘭被長坂牛華冒綠池潛魚躍清
波好鳥鳴高枝神飈接丹轂輕輦隨風移飄颻放志意千
秋長若斯

侍太子坐

白日曜青春時雨靜飛塵寒冰辟炎景涼風飄我身清醴
盈金觴餚饌縱橫陳齊人進奇樂歌者出西秦翩翩我公
子機巧忽若神

贈徐幹

驚風飄白日忽然歸西山圓景光未滿眾星燦以繁志士
營世業小人亦不閒聊且夜行游游彼雙闕間文昌鬱雲

八代詩選

魏言二

五

興迎風高中天春鳩鳴飛棟流焱激櫺軒顧念蓬室士貧
賤誠足憐蔽藿弗充虛皮褐猶不全慷慨有悲心興文自
成篇寶棄怨何人和氏有其愆彈冠俟知己知己誰不然
良田無晚歲膏澤多豐年亮懷璠璵美積久德愈宣親交
義在敦申章復何言

贈丁儀

初秋涼氣發庭樹微銷落凝霜依玉除清風飄飛閣朝雲
不歸山霖雨成川澤黍稷委疇隴農夫安所穫在貴多忘
賤爲恩誰能博狐白足禦冬焉念無衣客思慕延陵子寶
劍非所惜子其甯爾心親交義不薄

贈王粲

端坐苦愁思攬衣起西游樹木發春華清池激長流中有
孤鴛鴦哀鳴求匹儔我願執此鳥惜哉無輕舟欲歸忘故
道顧望但懷愁悲風鳴我側義和逝不留重陰潤萬物何
懼澤不周誰令君多念自使懷百憂

又贈丁儀王粲

從軍度函谷驅馬過西京山岑高無極涇渭揚濁清壯哉
帝王居佳麗殊百城負關出浮雲承露概秦清皇佐揚天
惠四海無交兵權家雖愛勝全國爲令名君子在末位不
能歌德聲丁生怨在朝王子歡自營歡怨非貞則中和誠

入代詩選

魏言二

六

可經

贈丁翼

嘉賓填城闕豐膳出中廚吾與二三子曲宴此城隅秦箏
發西氣齊瑟揚東謳肴來不虛歸觴至反無餘我豈狎異
人朋友與我俱大國多良材譬海出明珠君子義休恃小
人德無儲積善有餘慶榮枯立可須滔蕩固大節時俗多
所拘君子通大道無願爲世儒

贈白馬王彪一首

序曰黃初四年正月白馬王任城王與余俱朝京師會
節氣到洛陽任城王薨至七月與白馬王還國後有司

以二王歸蕃道路宜異宿止意毒恨之蓋以大別在數
日是用自剖與王辭焉憤而成篇

謁帝承明廬逝將歸舊疆清晨發皇邑日夕過首陽伊洛
廣且深欲濟川無梁汎舟越洪濤怨彼東路長顧瞻戀城
闕引領情內傷其一太谷何寥廓山樹鬱蒼蒼霖雨泥我塗
流潦浩縱橫中逵絕無軌改轍登高岡修坂造雲日我馬
玄以黃其二玄黃猶能進我思鬱以紆鬱紆將何念親愛在
離居本圖相與偕中更不克俱鳴臯衡軛豺狼當路衢
蒼蠅間白黑讒巧反親疏欲還絕無蹊攬轡止踟蹰其三脚
踟亦何留相思無終極秋風發微涼寒蟬鳴我側原野何

人代詩選

魏言二

七

蕭條白日忽西匿歸鳥赴喬林翩翩厲羽翼孤獸走索羣
銜草不遑食感物傷我懷撫心長太息其四太息將何爲天

命與我違奈何念同生一往形不歸孤魂翔故域靈柩寄
京師存者忽已過亡沒身自衰人生處一世去若朝露晞
年在桑榆間影響不能追自顧非金石咄嗟令心悲其五心

悲動我神棄置莫復陳丈夫志四海萬里猶比鄰恩愛苟
不虧在遠分日親何必同衾幃然後展慙憂思成疾疢

無乃兒女仁倉卒骨肉情能不懷苦辛其六苦辛何慮思天

命信可疑虛無求列仙松子久吾欺變故在斯須百年誰
能持離別永無會執手將何時王其愛玉體俱享黃髮期

收淚卽長路援筆從此辭

送應氏詩二首

步登北邙阪遙望洛陽山洛陽何寂寞宮室盡燒焚垣墻
皆頽弊荆棘上參天不見舊耆老但覩新少年側足無行
徑荒疇不復田游子久不歸不識陌與阡中野何蕭條千
里無人煙念我平常居氣結不能言

清時難屢得嘉會不可常天地無終極人命若朝霜願得
展嬾婉我友之朔方親昵並集送置酒此河陽中饋豈獨
薄賓飲不盡觴愛至望苦深豈不愧中腸山川阻且遠別
促會日長願爲比翼鳥施翮起高翔

八代詩選

魏言一

三良詩

功名不可爲忠義我所安秦穆先下世三臣皆自殘生時
等榮樂旣沒同憂患誰言捐軀易殺身誠獨難攬涕登君
墓臨穴仰天歎長夜何冥冥一往不復還黃鳥爲悲鳴哀
哉傷肺肝

雜詩

明月照高樓流光正徘徊上有愁思婦悲歎有餘哀借問
歎者誰言是宕子妻君行踰十年孤妾常獨棲君若清路
塵妾若濁水泥浮沈各異勢會合何時諧願爲西南風長
逝入君懷君懷良不開賤妾當何依

西北有織婦綺縞何續紛明晨秉機杼日昃不成文太息
終長夜悲嘯入青雲妾身守空閨良人行從軍自期三年
歸今已歷九春飛鳥遶樹翔嗷嗷鳴索羣願爲南流景馳
光見我君

微陰翳陽景清風飄我衣游魚潛綠水翔鳥薄天飛渺渺
客行土遙役不得歸始出嚴霜結今來白露晞游子歎黍
離處者歌式微慷慨對嘉賓悽愴內傷悲

攬衣出中閨逍遙步兩楹間房何寂寞綠草被階庭空室
自生風百鳥翩南征春思安可忘憂戚與我并佳人在遠
道妾身單且熒歡會難再遇芝蘭不重榮人皆棄舊愛君
豈若平生寄松爲女蘿依水如浮萍齋身奉衿帶朝夕不
墮傾儻終顧盼恩永副我中情

八代詩選

五言二

五

南國有佳人容華若桃李朝游江北岸夕宿瀟湘沚時俗
薄朱顏誰爲發皓齒俯仰歲將暮榮耀難久恃

高臺多悲風朝日照北林之子在萬里江湖迥且深方舟
安可極離思故難任孤雁飛南游過庭長哀吟翹思慕遠
人願欲託遺音形影忽不見翩翩傷我心

轉蓬離本根飄飄隨長風何意迴颺舉吹我入雲中高高
上無極天路安可窮類此游客子捐軀遠從戎毛褐不掩
形薇藿常不充去去莫復道沈憂令人老

僕夫早嚴駕吾將遠行游遠游欲何之吳國爲我仇將騁
萬里塗東路安足由江介多悲風淮泗馳急流願欲一輕
濟惜哉無方舟閒居非吾志甘心赴國憂

飛觀百餘尺臨牖御櫺軒遠望周千里朝夕見平原烈士
多悲心小人媮自閒國仇亮不塞甘心思喪元拊劍西南
望思欲赴太山絃急悲風發聆我慷慨言

喜雨詩

天覆何彌廣苞育此羣生棄之必憔悴惠之則滋榮慶雲
從北來鬱述西南征時雨中夜降長雷周我庭嘉種盈膏
壤登秋畢有成

八代詩選

魏音

三

失題

雙鶴俱遨遊相失東海傍雄飛竄北朔雌驚赴南湘棄我
交頸歡離別各異方不惜萬里道但恐天網張

七步詩

煮豆持作羹漉豉以爲汁萁在釜中然豆在釜中泣本是
同根生相煎何太急

雜詩

悠悠遠行客去家千餘里出亦無所之入亦無所止浮雲
翳日光悲風動地起

應璩

百一詩三首

下流不可處君子慎厥初名高不宿著易用受侵誣前者
墮官去有人適我閭田家無所有酌醴焚枯魚問我何功
德三入承明廬所占於此土是謂仁智居文章不經國筐
篋無尺書用等稱才學往往見歎譽遊席跪自陳賤子實
空虛宋人遇周客慙愧靡所如

年命在桑榆東岳與我期長短有常會遲速不得辭斗酒
多爲樂無爲待來茲

室廣致凝陰臺高來積陽奈何季世人侈靡在宮牆飾巧
無窮極土木被朱光徵求傾四海雅意猶未康

八代詩選

班言二

三

雜詩

細微可不慎隄潰自蟻穴腠理蚤從事安復勞鍼石哲人
覩未形愚夫闇明白曲突不見賓燧爛爲上客思願獻良
規江海倘不逆狂言雖寡善猶有如雞跖雞跖食不已齊
王爲肥澤

應瑗

雜詩

貧子語窮兒無錢可把撮耕自不得粟采彼北山葛簞瓢
恆自在無用相呵噉

繆襲

挽歌

生時游國都死沒棄中野朝發高堂上暮宿黃泉下白日
入虞淵懸車息駟馬造化雖神明安能復存我形容稍歇
滅齒髮行當墮自古皆有然誰能離此者

杜摯

贈母上儉

騏驥鬣不試婆娑槽櫪閒壯士志未伸坎坷多辛酸伊摯
爲媵臣呂望身操竿夷吾困商販甯戚對牛歎食其處監
門淮陰飢不餐買臣老負薪妻叛呼不還釋之宦十年位
不增故官才非八子倫而與齊其患無知不在此袁盎未
入代詩選

五言二
魏一

三

母上儉

答杜摯

鳳鳥翔京邑哀鳴有所思才爲聖世出德音何不怡八子
未際遇今者遭明時胡康出壟畝楊偉無根基飛騰冲雲
天奮迅協光熙駿驥骨法異伯樂觀知之但當養羽翮鴻
舉必有朝體無纖微疾安用問良醫聯翩輕栖集還爲燕
雀嗤韓眾藥雖良恐便不能治悠悠千里情薄言答嘉詩
信心感諸中中賞不在辭

何晏

擬古

雙鶴比翼游羣飛戲太清常恐入網羅憂禍一旦并豈若
集五湖順流唼浮萍逍遙放志意何爲怵惕驚

失題

轉蓬去其根流飄從風移芒芒四海涂悠悠焉可彌願爲
浮萍草託身寄清池且以樂今日其後非所知

左延年

從軍行

從軍何等樂一驅乘雙駿鞍馬照人白龍驤自動作

程曉

八代詩選

五言二

嘲熱客

平生三伏時道路無行車閉門避暑臥出入不須過今世
襍穢子觸熱到人家主人聞客來顰蹙奈此何謂當起行
去安坐正咨嗟所說無一急啗哈一何多疲瘞向之久甫
問君極那搖扇髀中疾流汗正滂池莫謂爲小事亦是一
大瑕傳戒諸高明熱行宜見呵

嵇康

贈秀才入軍

雙鸞匿景曜戢翼太山崖抗首漱朝露晞陽振羽儀長鳴
戲雲中時下息蘭池自謂絕塵埃終始永不虧何意世多

艱虞人來我疑雲網塞四區高羅正參差奮迅勢不便六
翮無所施隱姿就長纓卒爲時所羈單雄翻孤逝哀吟傷
生離徘徊戀儔侶慷慨高山陂鳥盡良弓藏謀極身心危
吉凶雖在已世路多嶮巇安得反初服抱玉寶六奇逍遙
游太清攜手長相隨

酒會詩

樂哉苑中游周覽無窮已百卉吐芳華崇基邈高時林木
紛交錯元池戲魴鯉輕九斃翔禽織綸出鱸鮪坐中發美
讚異氣同音軌臨川獻清酌微歌發皓齒素琴揮雅操清
聲隨風起斯會豈不樂恨無東野子酒中念幽人守故彌
八代詩選五言二

終始但當體七絃寄心在知己

答二郭三首

天下悠悠者下京趨上京二郭懷不羣超然來北征樂道
託萊廬雅志無所營良時邁其願遂結歡愛情君子義是
親恩好篤平生寡志自生災屢使眾釁成豫子匿梁側聶
政變其形顧此懷怛惕慮在苟自甯今當寄他域嚴駕不
得停本圖終宴婉今更不克并二子贈嘉詩馥如幽蘭馨
戀土思所親不知氣憤盈

昔蒙父兄祚少得離負荷因疏遂成懶寢蹟北山阿但願
養性命終已靡有他良辰不我期當年值紛華坎壈趣世

務常恐嬰網羅義農遜已遠扞膺獨咨嗟朔戒貴尙容滌
父好揚波雖逸亦已難非余心所嘉豈若翔區外餐瓊漱
朝霞遺物棄鄙累逍遙游太和結友集靈嶽彈琴登清歌
有能從此者古人豈足多

詳觀凌世務屯險多憂虞施報更相市大道匿不舒夷路
值枳棘安步將焉如權知相傾奪名位不可居鸞鳳避尉
羅遠託崑崙墟莊周悼靈龜越稷嗟王輿至人存諸已隱
璞樂立虛功名何足殉乃欲列簡書所好亮若茲楊氏歎
交衢去去從所志敢謝道不俱

與阮德如

八代詩選

魏言一

五

含哀還舊廬感切傷心肝良時遭數子談慰臭如蘭疇昔
恨不早旣面侔舊歡不悟卒永離念隔增憂歎事故無不
有別易會良難郢人忽已逝匠石寢不言澤雉窮野草靈
龜樂泥蟠榮名穢人身高位多災患未若捐外累肆志養
浩然顏氏希有虞隰子慕黃軒涓彭獨何人唯志在所安
漸漬殉近欲一往不可攀生生在豫積勿以怵自寬南土
早不涼衿計宜早完君其愛德素行路慎風寒自力致所
懷臨文情辛酸

游仙詩

遙望山上松墜谷鬱青葱自遇一何高獨立迥無雙願想

游其下蹊路絕不通王喬棄我去乘雲駕六龍飄飄戲玄
圃黃老路相逢授我自然道曠若發童蒙採藥鍾山隅服
食改姿容蟬蛻棄穢累結友家板桐臨觴奏九韶雅歌何
邕邕長與俗人別誰能覩其蹤

述志詩二首

潛龍育神軀濯鱗戲蘭池延頸慕大庭寢足俟皇義慶雲
未垂景盤桓朝陽陂悠悠非吾匹疇肯應俗宜殊難徇
周鄙議紛流離軼軻丁悔吝雅志不得施耕耨感甯越馬
席激張儀逝將離羣侶杖策追洪崖焦明振六翮羅者安
所羈浮游太清中更求新相知比翼翔雲漢飲露餐瓊枝

入代詩選

五言二
魏一

五

多念世間人夙駕咸驅馳沖靜得自然榮華安足爲

斥鷃擅蒿林仰笑神鳳飛坎井蝻蛭宅神龜安所歸恨白
用身拙任意多永思遠實與世殊義譽非所希往事既已
謬來者猶可追何爲人事間自令心不夷慷慨思古人夢
想見容輝願與知已遇舒憤啟其微巖穴多隱逸輕舉求
吾師晨登箕山巔日夕不知饑立居養營魄下載長自綏

稽喜

答稽康

華堂臨浚沼靈芝茂清泉仰瞻青禽翔俯察綠水濱逍遙
步蘭渚感物懷古人李叟寄周朝莊生游漆園時至忽憚

蛻變化無常端

君子體變通否泰非常理當流則義行時游則鵲起達者
鑒通塞盛衰爲表裏列仙狗生命松喬安足齒縱軀任世
度至人不私已

達人與物化世俗安可論都邑可優游何必棲山原孔父
策良駟不云世路難出處因時資潛躍無常端保心守道
居視變安能遷

郭遐周

贈稽康

吾無佐世才時俗不可量歸我北山阿逍遙以倡佯同氣

八代詩選

五言二
魏一

七

自相求虎嘯谷風涼惟予與稽生未面分好彰古人美傾
蓋方此何不臧援箏執鳴琴攜手游空房棲遲衡門下何
願於姬姜予心好永年年永懷樂康我友不期卒改計適
他方巖東感發日翻然將高翔離別在旦夕惆悵以增傷
風人重離別行道猶遲遲宋玉哀登山臨水送將歸伊此
往昔事言之以增悲歎我與稽生條忽將不違俯察淵魚
遊仰觀雙鳥飛厲翼太清中徘徊於丹池欽哉得其所令
我心獨違言別在斯須愨焉如調饑

離別自古有人非比目魚君子不懷土豈更得安居四海
皆兄弟何患無彼姝巖穴隱傳說寒谷納白駒方各以類

聚物亦以羣殊所在有智賢何憂此不如所貴身名存功
烈在簡書歲時易過歷日月忽其除勛哉乎稽生敬德在
慎軀

郭遐叔

贈稽康

君子交有義不必常相從天地有明理遠近無異同三仁
不齊跡貴在等賢蹤眾鳥羣相追鷲鳥獨無雙何必相啣
濡江海自可容願各保遐心有緣復來東

阮侃

答稽康

八代詩選

魏言二
魏一

三

早發溫泉廬夕宿宣陽城顧盼懷惆悵言思我友生會遇
一何幸及予遣歡情交際雖未久思愛發中誠良玉須切
磋瓊璠就其形隋珠豈不耀雕瑩啟光榮與子猶蘭石堅
芳互相成庶幾行古道伐檀俟河清不謂中離別飄飄然
遠征臨輿執手訣良誨一何精佳言盈我耳援帶以自銘
唐虞曠千載三代不可并洙泗久已往微言誰共聽曾參
易簣斃仲由結其纓晉楚安足慕屢空守以貞潛龍尚泥
蟠神龜隱其靈庶保吾子言養真以全生東野多所患暫
往不久停幸子無損思逍遙以自甯

雙美不易居嘉會故難常爰處憩斯土與子遺蘭芳常願

永游集拊翼同迴翔不悟卒永離一別爲異鄉四牡一何
速征人告路長顧步懷想像游目屢太行撫幹增歎息念
子安能忘恬和爲道基老氏惡強梁患至有身災榮子知
所康神龜實可樂明戒在劄腸新詩何篤穆申詠增慨慷
舒檢話良訊終焉永厭藏還誓必不食復與同故房願子
盪憂慮無以情自傷俟路忘所以聊以酬來章

阮籍

詠懷八十二首

夜中不能寐起坐彈鳴琴薄帷鑒明月清風吹我襟孤鴻
號外野翔鳥鳴北林徘徊將何見憂思獨傷心

八代詩選

五言二
魏一

三

二如游江濱逍遙順風翔交甫懷環珮婉孌有芬芳猗靡
情歡愛千載不相忘仞城迷下蔡容好結中腸感激生憂
思萱草樹蘭房膏沐爲誰施其雨怨朝陽如何金石交一
旦更離傷

嘉樹下成蹊東園桃與李秋風吹飛藿零落從此始繁華
有憔悴堂上生荆杞驅馬舍之去去上西山趾一身不自
保何況戀妻子凝霜被野草歲暮亦云已

天馬出西北由來從東道春秋非有託富貴焉常保清露
被皋蘭凝霜霑野草朝爲媚少年夕暮成醜老自非王子
晉誰能常美好

平生少年時輕薄好絃歌
西游咸陽中趙李相經過娛樂
未終極白日忽蹉跎驅馬復來歸
反顧望三河黃金百鎰
盡資用常苦多北臨太行道失路將如何

昔聞東陵瓜近在青門外
連畛距阡陌子母相鉤帶五色
曜朝日嘉賓四面會膏火自煎熬
多財爲患害布衣可終
身寵祿豈足賴

炎暑惟茲夏三旬將欲移
芳樹垂綠葉青雲自逶迤四時
更代謝日月遞參差徘徊空堂上
怵怛莫我知願睹卒歡
好不見悲別離

灼灼西隤日餘光照我衣
迴風吹四壁寒鳥相因依周
八代詩選

五言二
魏一

三

尚銜羽翼蛩亦念饑如何
當路子磬折忘所歸豈爲夸譽
名憔悴使心悲甯與燕雀翔不隨黃鵠飛黃鵠游四海中
路將安歸

步出上東門北望首陽岑
下有采薇士上有嘉樹林良辰
在何許凝霜霑衣襟寒風振山岡
玄雲起重陰鳴雁飛南
征鷓鴣發哀音素質游商聲悽愴傷我心

北里多奇舞濮上有微音
輕薄閒游子俯仰乍浮沈捷徑
從狹路僮俛趨荒淫焉見王子喬
乘雲翔鄧林獨有延年
術可以慰我心

湛湛長江水上有楓樹林
暎蘭被徑路青驪近駸駸遠望

令人悲春氣感我心三楚多秀士朝雲進荒淫朱華振芬
芳高蔡相追尋一爲黃雀哀淚下誰能禁

昔日繁華子安陵與龍陽天天桃李花灼灼有輝光悅懌
若九春馨折似秋霜流盼發姿媚言笑吐芬芳攜手等歡
愛宿昔同衣裳願爲雙飛鳥比翼共翱翔丹青著明誓永
世不相忘

登高臨四野北望青山阿松柏翳岡岑飛鳥鳴相過感慨
懷辛酸怨毒常苦多李公悲東門蘇子狹三河求仁自得
仁豈復歎咨嗟

開秋兆涼氣蟋蟀鳴牀帷感物懷殷憂悄悄令心悲多言
入代詩選

魏一

三

馬所告繇辭將訴誰微風吹羅袂明月耀清暉晨雞鳴高
樹命駕起旋歸

昔年十四五志尙好詩書被褐懷珠玉顏閔相與期開軒
臨四野登高望所思丘墓蔽山岡萬代同一時千秋萬歲
後榮名安所之乃悟羨門子噉噉今自嗤

徘徊蓬池上還顧望大梁綠水揚洪波曠野莽茫茫走獸
交橫馳飛鳥相隨翔是時鶉火中日月正相望朔風厲嚴
寒陰氣下微霜羈旅無儔匹俛仰懷哀傷小人計其功君
子道其常豈惜終憔悴詠言著斯章

獨坐空堂上誰可與歡者出門臨永路不見行車馬登高

望九州悠悠分曠野孤鳥西北飛離獸東南下日暮思親
友晤言用自寫

懸車在西南義和將欲傾流光耀四海忽忽至夕冥朝爲
咸池暉蒙汜受其榮豈知窮達土一死不再生視彼桃李
花誰能久熒熒君子在何許歎息未合并瞻仰景山松可
以慰吾情

西方有佳人皎若白日光被服纖羅衣左右珮雙璜修容
耀姿美順風振微芳登高眺所思舉袂當朝陽寄顏雲霄
間揮袖凌虛翔飄飄恍惚中流盼顧我傍悅懌未交接晤
言用感傷

八代詩選

五言二
魏一

三

楊朱泣岐路墨子悲染絲揖讓長離別飄飄難與期豈徒
燕婉情存亡誠有之蕭索人所悲禍釁不可辭趙女媚中
山謙柔愈見欺嗟嗟塗上士何用自保持

於心懷寸陰羲陽將欲冥揮袂撫長劍仰觀浮雲征雲間
有玄鶴抗志揚哀聲一飛冲青天曠世不再鳴豈與鶉鷄
游連翩戲中庭

夏后乘靈輿夸父爲鄧林存亡從變化日月有浮沈鳳凰
鳴參差伶倫發其音王子好簫管世世相追尋誰言不可
見青鳥明我心

東南有射山汾水出其陽六龍服氣輿雲蓋切天綱仙者

四五人逍遙晏蘭房寢息一純和呼喻成露霜沐浴丹淵
中熠耀日月光豈安通靈臺游瀛去高翔

殷憂令志結怵惕常若驚逍遙未終宴朱華忽西傾蟋蟀
在戶牖蟪蛄鳴中庭心腸未相好誰云亮我情願爲雲間
鳥千里一哀鳴三芝延瀛洲遠游可長生

拔劍臨白刃安能相中傷但畏工言子稱我二江旁飛泉
流玉山懸車棲扶桑日月徑千里素風發微霜勢路有窮
達咨嗟安可長

朝登洪坡顛日夕望西山荆棘被原野羣鳥飛翩翩鸞鷲
時棲宿性命有自然建木誰能近射干復嬋娟不見林中
入代詩選

葛延蔓相句連

五言二
魏一

三

周鄭天下交術術當三河妖冶閒都子煥耀何芬葩玄髮
發朱顏睇眄有光華傾城思一顧遺視來相誇願爲三春
游朝陽忽蹉跎盛衰在須臾離別將如何

若花耀四海扶桑翳瀛洲日月經天塗明暗不相讐窮達
自有常得失又何求豈效路上童攜手共遨游陰陽有變
化誰云沈不浮朱鸞躍飛泉夜飛過吳洲俯仰運天地再

撫四海流繫累名利場駑駘同一軛豈若遺耳目升遐去
殷憂

昔余游大梁登于黃華顛其工宅玄冥高臺造青天幽荒

邈悠悠悽愴懷所憐所憐者誰子明察自照妍應龍沈冀
州妖女不得眠肆侈陵世俗豈云永厥年

驅車出門去意欲遠征行行安所如背棄夸與名夸名
不在已但願適中情單帷蔽皎日高榭隔微聲讒邪使交
疏浮雲令晝暝嫵婉同衣裳一顧傾人城從容在一時繁
華不再榮晨朝奄復暮不見所歡形黃鳥東南飛寄言謝
友生

駕言發魏都南向望吹臺簫管有遺音梁王安在哉戰士
食糟糠賢者處蒿萊歌舞曲未終秦兵已復來夾林非吾
有朱宮生塵埃軍敗華陽下身竟爲土灰

八代詩選

卷二

七

朝陽不再盛白日忽西幽去此若俯仰如何似九秋人生
若塵露天道邈悠悠齊景升牛山涕泗紛交流孔聖臨長
川惜逝忽若浮去者余不及來者吾不留願登太華山上
與松子游漁父知世患乘流泛輕舟

一日復一夕一夕復一朝顏色改平常精神自損消胸中
懷湯火變化故相招萬事無窮極知謀苦不饒但恐須臾
閻魂氣隨風飄終身履薄冰誰知我心焦

一日復一朝一昏復一晨容色改平常精神自飄淪臨觴
多哀楚思我故時人對酒不能言悽愴懷酸辛願耕東臬
陽誰與守其真愁苦在一時高行傷微身曲直何所爲龍

蛇爲我鄰

世務何繽紛人道苦不遑壯年以時逝朝露待太陽願攬
羲和轡白日不移光天階路殊絕雲漢邈無梁濯髮暘谷
濱遠游崑嶽傍登彼列仙咀採此秋蘭芳時路烏足爭太
極可翱翔

誰言萬事難逍遙可終生臨堂翳華樹悠悠念無形彷徨
思親友倏忽復至冥寄言東飛鳥可用慰我情

嘉時在今辰零雨灑塵埃臨路望所思日夕復不來人情
有感慨蕩漾焉能排揮涕懷哀傷辛酸誰語哉

炎光延萬里洪川蕩湍瀨彎弓掛扶桑長劍倚天外泰山
八代詩選 五言二 卷一

成砥礪黃河爲裳帶視彼莊周子榮枯何足賴捐身棄中
野烏鳶作患害豈若雄傑士功名從此大

壯士何慷慨志欲威八荒驅車遠行役受命念自忘良弓
挾烏號明甲有精光臨難不顧生身死魂飛揚豈爲全軀
士效命爭戰場忠爲百世榮義使令名彰垂聲謝後世氣
節故有常

混元生兩儀四象運衡璣曠日布炎精素月垂景輝晷度
有昭回哀哉人命微飄若風塵逝忽若慶雲晞修齡適余
願光寵非己威安期步天路松子與世違焉得凌霄翼飄
飄登雲涓嗟哉尼父志何爲居九夷

天網彌四野六翮掩不舒隨波紛綸客汎汎若浮鳧生命
無期度朝夕有不虞列仙停修齡養志在冲虛飄飄雲日
間邈與世路殊榮名非已寶聲色焉足娛採藥無旋返神
仙志不符逼此良可惑令我久躊躇

王業須良輔建功俟英雄元愷康哉美多士頌聲隆陰陽
有舛錯日月不常融天時有否泰人事多盈冲園綺遜南
嶽伯陽隱西戎保身念道真寵耀焉足崇人誰不善始豈
能克厥終休哉上世士萬載垂清風

鴻鵠相隨飛飛適荒裔雙翮臨長風須臾萬里逝朝餐
琅玕實夕宿丹山際抗身青雲中網羅孰能制豈與鄉曲

八代詩選

魏言二

美

士攜手共言誓

儔物終始殊修短各異方琅玕生高山芝英耀朱堂熒熒
桃李花成蹊將天傷焉敢希千術三春表微光自非凌風
樹樵悴鳥有常

幽蘭不可佩朱草爲誰榮修竹隱山陰射干臨增城葛藟
延幽谷縣縣瓜瓞生樂極消靈神哀深傷人情竟知憂無
益豈若歸太清

鸞鳩飛桑榆海鳥運天池豈不識宏大羽翼不相宜扶搖
安可翔不若棲樹枝下集蓬艾間上游園圃籬但爾亦自
足用子爲追隨

生命辰安在憂戚涕沾襟高鳥翔山岡鷓鴣樓下林青雲
蔽前庭素琴悽我心崇山有鳴鶴豈可相追尋

鳴鳩嬉庭樹焦明游浮雲焉見孤翔鳥翩翩無匹羣死生
自然理消散何續紛

步游三衢旁惆悵念所思豈爲今朝見恍惚誠有之澤中
生喬松萬世未可期高鳥摩天飛凌雲共游嬉豈有孤行
士垂涕悲故時

清露爲凝霜華草成蒿萊誰云君子賢明達安可能乘雲
招松喬呼噲永矣哉

丹心失恩澤重德喪所宜善言焉可長慈惠未易施不見

八代詩選

魏言二

毛

南飛燕羽翼正差池高子怨新詩三閭悼乖離何爲混沌
氏倏忽體貌曠

十日出暘谷弭節馳萬里經天耀四海倏忽潛蒙汜誰言
焱炎久游沒行可俟逝者豈長生亦去荆與杞干歲猶崇
朝一餐聊自己是非得失間焉足相譏理計利知術窮哀
情遽能止

自然有成理生死道無常智巧萬端出大要不易方如何
夸毘子作色懷驕腸乘軒驅良馬憑几向膏梁被服織羅
衣深樹設蘭房不見日夕華翩翩飛路傍

夸談快憤懣情慵發煩心西北登不周東南望鄧林曠野

彌九州崇山抗高岑一餐度萬世千歲再浮沈誰云玉石
同淚下不可禁

人言願延年延年欲焉之黃鵠呼子安千秋未可期獨坐
山嵒中惻愴懷所思王子一何好猗靡相攜持悅懌猶今
辰計校在一時置此明朝事日夕將見欺

貴賤在天命窮達自有時婉孌佞邪子隨利來相欺孤恩
損惠施但爲讒夫蚩鶴鳴雲中載飛靡所期焉知傾側
士一旦不可持

驚風振四野迴雲蔭堂隅牀帷爲誰設几杖爲誰扶雖非
明君子豈闇桑與榆世有此鷲曠芒芒將焉如翩翩從風
飛悠悠去故居離靡玉山下遺棄毀與譽

入代詩選

五言二
辨一

美

危冠切浮雲長劍出天外細故何足慮高度跨一世非子
爲我御逍遙游荒裔顧謝西王母吾將從此逝豈與蓬戶
士彈琴誦言誓

河上有丈人絳蕭棄明珠甘彼藜藿食樂是蓬蒿廬豈效
纒紛子良馬騁輕輿朝生衢路旁夕瘞橫術隅歡笑不終
宴俯仰復歔歔鑿茲二三者憤懣從此舒

儒者通六藝立志不可干違禮不爲動非法不肯言渴飲

清泉流饑食并一簞歲時無以祀衣服常苦寒屣履詠南
風緼袍笑華軒信道守詩書義不受一餐烈烈褒貶辭老

氏用長歎

少年學擊刺妙伎過曲城英風截雲霓超世發奇聲揮劍
臨沙漠飲馬九野坳旗幟何翩翩但聞金鼓鳴軍旅令人
悲烈烈有哀情念我平常時悔恨從此生

平晝整衣冠思見客與賓賓客者誰子倏忽若飛塵裳衣
佩雲氣言語究靈神須臾相背棄何時見斯人

多慮令志散寂寞使心憂翱翔觀陂澤撫劍登輕舟但願
長閒暇後歲復來游

朝出上東門遙望首陽基松柏鬱森沈鷓黃相與嬉逍遙
九曲間徘徊欲何之念我平居時鬱然思妖姬

八代詩選

五言一
魏一

三

王子十五年游衍伊洛濱朱顏茂春華辯慧懷清真焉見
浮邱公舉手謝時人輕蕩易恍惚飄飄棄其身飛鶴鳴且
翔揮翼且酸辛

寒門不可出海水焉可浮朱明不相見奄昧獨無侯持瓜
思東陵黃雀誠獨羞失勢在須臾帶劍上吾邱悼彼桑林
子涕下自交流假乘汧渭間鞍馬去行游

洪生資制度被服正有常尊卑設次序事物齊紀綱容飾
整顏色馨折執珪璋堂上置玄酒室中盛稻粱外厲貞素
談戶內滅芬芳放口從衷出復說道義方委曲周旋儀姿
態悉我腸

北臨乾昧谿西行游少任遙願望天津駘蕩樂我心綺靡
存亡門一游不再尋偷遇晨風鳥飛駕出南林滂瀆瑤光
中忽忽肆荒淫休息晏清都超世又誰禁

人知結交易交友誠獨難險路多疑惑明珠未可干彼求
饗太牢我欲并一餐損益生怨毒咄咄復何言

有悲則有情無悲亦無思苟非攪網罟何必萬里畿
拂重霄慶雲招所晞灰心寄枯宅曷顧人間姿始得忘我
難焉知嘿自遺

木槿榮邱墓煌煌有光色白日頽林中翩翩零路側蟋蟀
吟戶牖蟪蛄鳴荆棘蜉蝣玩三朝采采修羽翼衣裳爲誰

八代詩選

魏言二

罕

施俯仰自收拭生命幾何時慷慨各努力

修塗馳軒車長川載輕舟性命豈自然勢路有所由高名
令志惑重利使心憂親昵懷反側骨肉還相讐更希毀珠
玉可用登遨游

橫術有奇士黃駿服其箱朝起瀛洲野日夕宿明光再撫
四海外羽翼自飛揚去置世上事豈足愁我腸一去長離
絕千歲復相望

猗歟上世士恬淡自安貧季葉道陵遲馳騫紛垢塵甯子
豈不類楊歌誰肯殉栖栖非我偶徬徬非已倫咄嗟榮辱
事去來味道真道真信可娛清潔存精神巢由抗高節從

此適河濱

梁東有芳草一朝再三榮
色容豔姿美光華耀傾城
豈爲明哲士妖蠱諂媚生
輕薄在一時安知百世名
路端便娟子但恐日月傾
焉見冥靈木悠悠竟無形

秋駕安可學東野窮路旁
綸深魚淵潛鱗設鳥高翔
汎汎乘輕舟演漾靡所望
吹噓誰以益江湖相捐忘
都冶難爲顏修容是我常
茲年在松喬恍惚誠未央

咄嗟行至老僮俛常苦
憂臨川羨洪波同始異支
流百年何足言但苦怨與
讐讐怨者誰子耳目還相
差聲色爲胡越人情自逼
適招彼玄通士去來歸羨
游

八代詩選

魏言二

望

昔有神仙士乃處射山阿
乘雲御飛龍噓噓瓊華可
聞不可見慷慨咨嗟自傷
非儔類愁苦來相加下學
而上達忽忽將如何

林中有奇鳥自言是鳳皇
清朝飲醴泉日夕棲山岡
高鳴徹九州延頸望八荒
適逢商風起羽翼自摧藏
一去崑崙西何時復迴翔
但恨處非位愴恨使心傷

出門望佳人佳人在茲三
山招松喬萬世誰與期
存亡有長短慷慨將焉知
忽忽朝日隕行行將何之
不見季秋草摧折在今時

昔有神仙者羨門及松喬
喻習九陽間升遐噦雲霄
人生

樂長久百年自言遼白日隕隅谷一夕不再朝豈若遺世
物登明遂飄飄

墓前煢煢者木槿耀朱華榮好未終朝連颺隕其葩豈若
西山草琅玕與丹禾垂影臨增城餘光照九阿甯惟少年
子日久難咨嗟

八代詩選

魏言

星

八代詩選

西山草琅玕與丹禾垂影臨增城餘光照九阿甯惟少年
子日久難咨嗟

八代詩選卷第四

